

孫淵如先生全集

租船詠史集一卷

芳茂山人詩錄第五

新除山東督糧道之官口占

一紙除書到驛亭故山南望不勝情別來鶴笑軒車態白鶴一雙出山時寄友人處聽慣蛙忘鼓吹聲未信澄清關此出轉因溫飽惜平生從他廚傳蕭條甚自有圖書抵

百城

山左道中

駒隙猶餘感鳥私詎忍忘得登天子陞重到聖人鄉負米辭岐路浮家泛一航莫嫌行色儉文史富連檣

倉史廟

生公臺畔劍池旁展謁新祠憶聖倉異表不妨傳四
目世官誰復擅三長漆書字不留中古白水碑空卧
夕陽我自髫齡攻篆籀手摹蘋藻薦心香

試院卽事次鐵冶亭中丞

保韻

芸館追趨記昔因棘闈文燕過蕭辰絕無雲處重圓
月大有年中後樂身馬帳生徒他日廣庠樓風景一
番新謫仙得住神仙府未覺蓬萊隔世塵

一卧滄江五度秋湖山重到憶清遊感恩令伯仍持
檄擊節袁宏久住舟政美不妨官有暇才疎深媿志
難酬籌河積穀經綸在借寇人思節鉞留

再至東省過河漫各縣

龍節巡工此地過滄桑重見感如何嘉慶元年攝運河道勘工臨清

帶大開神禹曾疏瀆大清河即漢人所云河行誰濬

齊桓舊塞河衛書及鄭氏注經俱云齊桓塞九河為

秋故道所經洩運河事有非常須慮始議無上策況

謀多郊原極目哀鴻集魏對移文別澗阿余僑居金陵終母喪

後二年因祖母九旬不復赴補大府檄至里門起余視河察賑

漕轉兼施古法存吳溝淮泗有通津宋時設轉般倉

船不入江以為夏法故云自轉般之法行漕益富而

人亦便自直達之法用漕益全而人愈病今淮泗

北為吳溝通商舊故道若下游障口虛糜帑高地行

河索解人河渠書云禹以為河所從來者高水湍悍

北載之高地過降水土于大陸播為九河謂河過汜

水大邳山即分其流一為濰川一從黎陽山北行也

康廉訪基田嘗問余禹之治水由地中行何反置之
高地余曰此即禹貢北過大陸也高平日陸河行高
處當掘深之則由地中行若行平地必又築堤蘇轍
所謂築垣居水田廬低下如今齊豫數被災也

妄言頻誤國渠九河之說相反一河受百川秋水買
注勢不能容頻歲漫王尊捍患敢忘親寸長尺短從
灘決口固其宜矣

評論可有人閒桂石臣余權泉時山左大府檄予治
之又奏稱習鍊刑名操守廉潔辦理地方事

移均屬俗如推河務非其所長易人代任

次韻荅吉漕督

禹瀆枝流歲幾經偶隨鷗鷺宿沙汀十分爽籟升秋
月一路明河望使星下水船如年矢急被霜蘆感鬢
絲青運租尚有清吟客庾亮樓高竟夕聽

題左寧南復督師孫高陽檄調揭帖崇禎十六年有平賊

將軍印

督師平賊權難一倡義勤王勢已孤孫左也非亡國
將屏明失計不遷都

倪文正曾有此請
思陵不能從也

題息隱園圖

息隱園中大隱人間居一賦自娛親琴書無恙風流
在六代中郎有後身

蕭疎修竹最依依上壑胸中有化機知向南華悟真
旨圖中蕉鹿是耶非

愛招逸客敞高軒四面山光半畝園恰共翩翩吳季
重也來十日飲平原

苔痕石上襍題痕惆悵尊前手又分我亦青谿同結

宅輸君不負北山文

通州視三弟

星衛

于三角淀回舟口占

泉州地僻守桑乾累日壺觴得盡歡
千里一麾臨海角六年三度到河干
西堂春草勞歸夢北路車塵厭此官
憑仗徵蘭有消息高堂聞信一加餐

次韻荅吉漕督

雨過銷殘暑天空見海瞰橋排疑隔浦
帆轉不離村豐歲看禾穰歡聲過市門
宦情聊復慰猶是夢田園

李鹽政招飲次裘制軍

行簡

韻

綠酒波生燭燄斜西沽有客正思家
吳歌繞座鰲魚出消得離愁住海涯

節鉞增輝翰墨場偶因按部攬春芳梅花一賦驚才
露不信先生鐵石腸
槎使虛傳博望侯運租高咏幾經秋詩人星聚行臺
少對月同登庾亮樓
朋簪都似合延津分手期敷四海春莫學公孫餐脫
粟要開東閣引賢人

題梁匠誨同年鳳雛山館圖

意中池館眼中山畫裏居然翠壁環畱得鳳池家學
在清聲不斷五雲間
烏衣華望好門才千里征車把臂來我亦誦芬思舊
澤卜居新傍鳳皇臺

題閨人真

春風吹動鬢邊班，自展生綃對遠山。
輪與閨人出塵早，玉京相見尙紅顏。

曾記聯吟夜閣虛，小園松竹亦蕭疎。
無人鬪茗焚香坐，

甘載繩牀擁亂書。

予出門歸閨人
輒已整理書簪

人間小別太匆匆，墓碣新鐫宿莽中。
營奠營齋等閒事，孟光同傳約梁鴻。

檢點牛衣淚未乾，清宵論史一燈寒。
對君最媿王章事，兩度虛彈獬豸冠。

石琢堂殿撰

蘇玉

北行留別一詩次韻奉荅

已分橫經又荷薪，名山未乞向平身。
五雲先後朝

天客一部旬宣假節人有約蓴鱸尋釣具莫教塵
土滯車茵雲巖別墅山塘路孤負梅花在水濱

題春帆北上圖

天人策上驚時輩湖海才高作壯遊回首浙西山色
裏何人能上李膺舟
一樣蓴鱸動遠思春江我更挂帆遲得歸淺水蘆花
處莫羨乘風破浪時

華秋槎司馬瑞潢北山旅舍圖

葛仙墓下白隄前廉吏樓遲屋數椽孤負陶潛三徑
菊料量劉寵一文錢琴書課子青燈畔風木思親夕
照邊他日匡山讀書處流傳佳蹟勝平泉

匡廬識面圖爲胡稚君袁作

千里探奇汗漫行
皖江雲入豫章城
廬山自有先生到
不許匡君占得名

搜討名山爲注書
傅陽原似古時無
約君近訪安豐

嶺一補人間禹迹圖

大別山在廬江安豐縣出漢人注今所傳阜昌禹迹圖移於漢

上水之

萬壑千巖尺幅收
白雲盟在媿閒鷗
我尋五嶽才登四
試展生綃作卧遊

胡稚君環山小隱圖

曲曲青谿憶釣遊
蕭蕭鼓桂足淹留
有人問訊陶潛宅
千仞山圍萬卷樓

經學傳家自安定
臯比奪席到蘭臺
蒲輪莫負求賢詔
小隱還招大隱來

周駕堂給諫

厚輅

視漕天津兼權漕使詩以紀

事

析津民吏盡歡騰
黃帑除書得未曾
輶傳忽持雙使節
頭銜猶愛一條冰
女兒酒到儀俱却
學士鹽行價不增
却稱東方貧轉運
運租船上作吟朋

題停琴佇月圖

白雪何妨曲奏遲
青天應問月來時
使君自有驚人句
不用重攜謝朓詩

名山多暇足良遊
管領東南第一州
千古琴川風月

地弦歌飛上庾公樓

轉粟功高到日邊
乘槎人望若神仙
一輪卿月升霄漢
又和虞廷奏五弦

金雲莊比部

德輿

得岳祠銅爵將歸岳氏屬題

江山半壁長城壞
祠廟千秋祭器留
出土也應同碧血
傳家原未抵金甌
精忠有後宜無恨
國及岳珂建
識篆神物逢君異
暗投把酒止澆墳
上樹黃隆痛飲願
須酬

李觀察

廷敬

座中分賦

秬秧

水中分種日中栽
畫出江南錦翠堆
兩岸翻車聲盡

歇使君甘露應期來

線絲

應機誰與展經綸訝許文章觸手新只有素心同不染繭絲辛若笑何人

造醬

覆餅剩有著殘書三伏弄藏到臘初此味由來勝鹽豉不知調鼎竟何如

曬藥

茅檐赤日正暄妍料檢參苓入籠全能活千人著千卷不曾服食也延年

折荷

卓午涼生綠水灣
碧筒豪飲幾人間
荷衣製就商量久
莫被簪裾賺出山

浮瓜

清泉手汲注磁盆
沁齒涼生碧玉痕
一樣寒漿圖一飽
青門何必憶朱門

賣冰

似雪寒光透苧衣
晶盤相對却炎威
只除天上條冰貴
賣到人間一片稀

舟泊揚州大雨三日
夜以郭河陽夏霖圖留贈

會都轉

燠

邢溝入夜水潺潺
雨在河陽晝意閒
却羨無心雲一

片有時出岫又還山

結軼朝天喜盍簪高齋話雨又題襟待公此去趨

宣室問罷和羹問作霖

時與都轉先後人觀

六月三十日抵棲霞口占時乞假南旋

六年塵土夢鄉廬錦翠林巒畫不如猶對青山染須髮歸田爭忍待懸車

六月三十日遊棲霞在珍珠泉壁見王夢樓太

守詩次韻和之因寄汪春田太守

爲霖

安石林亭靖節籬歸仍草草出遲遲行蹤野鶴孤雲

伴心跡清泉白石知信宿未能忘樹蔭

用三宿桑下事

登臨

莫待藉筇枝青山如舊循青鬢慙媿重來異昔時

昔埋三逕菊荒籬歸計秋風莫再遲汎官場餘我
共浮雲世事幾人知有情雪認飛鴻印無恙松留待
鶴枝記否僧寮同聽雨六年如夢不多時癸亥與汪春田同宿泉珍珠

山左彌月望雨余入境過郟城費縣寧陽連獲
甘澍喜而有作

急雨驅蝗墜作堆郊原無際送青回誰知直指隨車
雨也爲征人灑道來

纔辭館粲又壺淪不信椒蘭過有芳我似鄭莊糧不
裹非關人愛故將軍

題牧牛圖爲孫令良炳作

風景桃林得自由戴嵩名迹偶然留夕陽芻牧馮誰
問却怪他人畫門牛

不施鞭策自天全藉草看雲一晌眠誰識牧人辛苦
意待他蕃息已經年

乘田小試有前塵休養能同萬物春畢竟牧民還似
此中朝問喘望何人

讀漢紀偶成

梁冀初誅海內清朱雲何事欲捐生杜門周協從容
甚却恐人知不屈名

題余秋農

嬰

丹陽道中踏雪聯吟圖

傳書張逸應成志問字揚雄亦有亭莫似程門虛立

雪空談理學不談經

君於東野爲雲久我恨宗之識面遲
悵好丹陽山色裏雪花如掌獨行時

華秋槎司馬觀瀑圖

不買青山但觀瀑使君風味向書生
巖如翠黛窺簾出宮似神仙着屐行
却對急流思勇退誰從高處更揚清
披圖我媿征塵滿何日來聽萬壑聲

邢侗山大令

商

松林讀書圖

蒼松門外作龍鱗著述中年漸等身
爾雅手增家學闕西傾目驗地圖真
判除案牘橫經籍料理蒼生對古人
我望關西傳絕學天涯相見卽相親

轉粟北河舟中卽事口占十首

嫣紅露重捲牙旗嫩綠風吹上柳枝
一縷名香兩行燭使君船過路人知

萬軸綈緇映翠裾問奇門茗日無虛五湖却笑鴟夷俗只對紅妝不著書

潞水津關駐玉驄阿連來往一尊同

三弟星齋官直隸每年皆到舟

次敘晤近擢天津管河通判

不高官職閒雲似最好游行在半空

詠史租船六七年醉時判事醒時顛乘槎試近高寒

處多少神仙羨謫仙

手版遺忘禮節疏

謂倉場忘職履歷故及

又看朝爽倚庭除笑

他大府持籌吏也乞先生玉筯書

拍浮日倚酒船豪甘脆何曾饜老饕一事江南較差

勝鼠姑時節已持螯

北河春夏蟹螯已肥

啼鳩聲中綠樹稠乍嘗鄉味減鄉愁鱖魚清飲如蟬

潔何事浮沈在濁流

衛河一帶近年多有刀魚卽說文所謂鱖魚飲而不食者

動地狂飈十丈吹辟塵簾箔四邊垂睡鄉自有逍遙

福夢見天清地曠時

雲母窗虛月漸高夜深仙侶對拈毫醉來尙有宗之

共玉樹橫眠覆錦袍

尊鱸堂上勸加餐未到懸車要挂冠從此收帆向南

國平江烟水接長干

庚申冬日同人集一榭園閱十年矣偶屬吳山

尊學士題冊有感舊遊率賦二律卽用唐

陶山刺史仲冕元韻並以寄之時已巳年七

月五日

十年陳迹散如雲高燕鱸鄉憶夜分井上已投佳客

轄座中思接令公是日陶山因公事不至龍韜說劍慙初祖

虎阜棲神近故君重到山塘舊遊處幾人惆悵話斜

曛戊辰年假歸燕集一榭園所遇毛君用吉鈕君樹

元錫陶君梁吳生毓汾琳黃君丕烈顧君廣圻何君

戴生延祜俱題名中人林亭臨水又依巖尙惜風光不越凡攬轡久貽名士

誚迴舟合署散人衙看君鵷鳳遊三島陶山子鑑老

我雕蟲枕一函擬向元龍牀下臥笑他宦海更揚帆

題徐河督

端

漢水秋屯圖次鐵撫部

保韻

麾戈誰埽漢陽平人羨班生在此行國士運籌還入
幕書生投筆便談兵冠加鵬尾眞儒將手射旄頭落
賊營天與長城衛河洛一軍風鶴隔江驚

十騎登壇乍有須橫經學劍術非疏天人城北瞻殊
表烽火關西奏捷書受代我寧慚伯氏前罷東魯監
代好賢人忽薦由余山東江南督撫以君東南行水
頻持節才望原從此際儲

僞廉吏

僞廉吏日食一羹衣短袂左持法律右會計終日何
喧喧興利復察弊清晨官中下火符吏胥戰粟民歡

呼催科不得名一錢起徭不得餘一夫東郡雪冤獄
西邑枉法誅守令變色走路隅懷金曳橐空踟躕清
聲徹九天夜半得如召入溫室問民疾苦寒
暑怨咨惟爾恤撫承命稽首拜且舞出朝揚鞭氣如
虎日食不煩廚傳夜宿不入官府手曳空囊別有譜
道旁舊吏索資斧昨夜喧傳有過客公子輝煌到京
闕東家得價鬻高樓都下新添廉吏宅

迂書生

迂書生少小捉刀削六經眼底五花烟霧橫苦心立
言說經意隔席爬癢指爪輕巍巍高科那刺促束閣
陳言親簡牘風聞例得入彈章獬豸非邪亦善觸去

年上書陳理財科條細密煩安排公門拜爵復幾許
私室金溢光皚皚七月河流走霹靂飛鴻滿郊不得
食黃金可成川可塞問之不語坐默默

西湖三舟圖

題詩讀畫盡名流問水尋山數舊遊此地白蘇留古
迹何年李郭住仙舟一時勝賞千秋擅萬頃湖光尺
幅收我亦鴻泥餘印在倩人添寫詒經樓詒經樓舍
前第一
樓予昔
居此

題馮刺史

潮

三士圖

寫東坡詩意為抱朴子陶淵明及東坡三象自為白

衣送
酒人

神仙與隱逸各自有千古東坡曳簪纓頗歷世塵苦

同有曠世才光欲筆端吐三賢參列宿餘子盡搏土
古人不見我此恨孰能補馮君不凡士白眼視寰宇
空堂對前哲折節酬清醕人物近眇然名山倩誰主
贈汪春田太守南歸

柳暗花明水拍堤淮南一棹去如飛漫愁此郡多逋
帶直爲時魚便合歸

板輿無恙鹿東存試檢奚囊句又新官費心神嬰世
務半園花石待經綸

拂衣輪與着先鞭將隱何須負郭田他日同尋舊遊
處棲霞山館虎邱船

阿城握手挈行厨安德停驂待郡符草草官場真罕

夢不曾沈醉在明湖

題姚尙衣夏行樂圖

使君古君子篤行孚天人獨立性不阿
螻屈道自伸
聖人鑒忠讜授節來江濬尙衣佐垂裳
摧稅無
羸縉永懷過庭時重闢行馬門豈惟位業嗣且喜清
白傳衡門偶相訪傾蓋若飲醇既瞻江令宅復遊謝
公墩觴客筵屢張哦詩筆如神燕閒寫作圖眉宇含
古春桂根在天窟桐德參高旻雖兼濠梁性彌感
恩遇頻潢池乍解甲瓠子猶負薪獨抱經世懷堪
與知者論當今赤心吏誰似黃髮臣期公此開府余
復歸垂綸耆英倘入社斑白逐後塵

季春上浣得雨偕汪刺史

爲粥

張州佐玉城泛

舟次韻

夕陽初展墨雲收喜見新苗綠滿疇
薄宦心情閒似客濃春風景澹於秋
永和會溯重三節屯氏河餘九派流
草草行廚成雅集幸逢李郭共移舟

深源輕出魏虛名

紆鬱澄清攬戀情捧檄有人同小

謫

夢巖同以散館改官

扶犁感我欲歸畊千家桂玉愁纔減一

夢純鱸去未成差喜隨車三日雨行春村落有歌聲

天津令任同年

銜蕙

招飲并柬胡同年觀察

銜

酒波瀲灩蠟烟斜香案仙曹葉令銜清夢再尋蓬島

路黑頭同插杏林花

予與觀察同年同入翰林又同改官

皇州麥

潤隨車雨

天路風回過客槎猶對笙歌憶雲水

六年痼疾在烟霞

天津道中魴魚入饌口占

盈尺銀鱗入饌奇故鄉風物鎮相思來從江海交流處去趁年光最好時細膩不嫌多骨鯁清華端不借膏脂虛傳八月還重出郭璞神仙却未知郭氏注爾云二月八月出不知爾雅以類相從鯿則今南中之吳鱸小干魴魚而味不及非一種也鱸音同幾言似魴魚而小者幾之義爲小

倉場玉侍郎

寧戴侍郎均元

招同共數撰瑩燕

集尙書館

倉場署題額

卽席賦呈

方丈筵開尺五天長安知遇記他年金龜賀老尋常

解

官都下時屢與王侍郎敘飲

衣鉢和疑一再傳

洪修撰出戴侍郎及相國舊章

門

下子亦侍郎從

半日清談依使院七年高詠在租

船

子丙午所得士

蕭曹政要先寧壹道德親書第幾

篇

庚午自甲子年主

蕭曹政要先寧壹道德親書第幾

深源再出媿虛名攬轡何曾獄市平自分圖書老空

谷敢誇霄漢有門生

門生滿霄漢白居易句

襟期共

領西山爽心跡都方潞水清差喜計臺添韻事瓊林

陪宴補春明

故事狀元歸第列科一甲

德州偕吳學士

嚴孝廉

可均

周刺史

履端

放

舟衛河小飲次韻

急流東去見層波殘暑初消換薄羅屯氏河荒遺迹

古米家船小載書多宦情漸比知秋葉樂歲聊看合
穎禾六載平津真卧治媿無循政入興歌

送吳學士

直還山用唐刺史

仲冕

韻

曾攜采筆賦凌雲又咏揚州月二分子舍去修蘭膳
絮征衫來帶御爐薰中朝開閣今非昔

路先鞭我讓君到日秋風及鱸膾不辭行騎觸炎曛
畫錦猶嫌耀碧巖素衣爭肯落塵凡徑修封事陳烏
哺不問除書有鳳銜名嶽再經遊十日古碑此去獲
千畝明年芍藥花時節有約金焦飽放帆

德州晤朱觀察

爾廣額

口占贈之

魯酒慚佳客仙舟緩去程共消三伏暑重敘廿年情

僑郡依棠近

余僑居金陵爲觀察舊日官所

官裝載石輕古梅花尙

在別後幾枯榮

觀察昔以引病寓隱仙庵有古梅一株數百年物

家學傳緇素殊勛勒鼎鍾潢池能淨埽萍海竟重逢

老我飛騰意輸君磊落胷無田亦歸去不待學爲農

時將引病

受業海寧楊文蓀校字

先生於嘉慶癸亥歲起補山東督糧道歷甲子迄辛未其間乞假南歸者一督運北上者八每於潞河舟次擁書數千卷公餘時有著作兼會集名流多觴詠之樂故自題行舫曰運租詠史之船茲編租船詠史集爲第五卷凡古今詩九十五首從子壻龔慶謹識

治城絜養集卷上

芳茂山人詩錄第六

題東山絲竹圖

一局殘碁似敵兵。拂衣何必待功成。陶情絲竹中年後。已被蒼生誤半生。

宿清黃交會口舟次口占

一夕波濤宿水濱。八年塵土漚車茵。秋來病骨驚心早。南下河身障口頻。開卷易忘行路險。求醫難似濟時人。黃花待我過重九。且向東籬醉幾巡。

題嚴子陵却聘圖

蒼松畫有物外
僧印不知何人

時平容汝去嚴廊。一櫂烟波指故鄉。多事客星干帝座。狂奴不及介推狂。

蘆花淺水任浮沉。莫笑還山入未深。却聘歸來仍罷釣。高人并少羨魚心。

得趙文敏所書曝書二字以署書樓口占二絕

句

三層閣擁百家編。腹笥何曾似孝先。薄宦廿年徒立壁。買書錢是賣文錢。

思量故紙隔烟蘿。拂拭凝塵返澗阿。他日不分南北阮。曝衣樓上曝書多。

郭文學 廖以神廬圖屬題

萊國樓臺無地起。幼輿丘壑自天然。青山可待巢由買。明月清風不用錢。

遠廬是處可容身。眼見朱門易主頻。我亦山塘新卜

築。未妨舍宅學王珣。

予買虎丘一樓園。建吳將孫子祠。

入畫居然似輞川。夢游何必到琅環。爲君更寫平生願。廣廈應須有萬間。

古詩

人爲。倮。蟲。長。天。意。令。冬。蟄。食。穀。智。而。天。真。人。學。呼。吸。聖。賢。參。化。育。衣。毛。復。餐。粒。哀。彼。蚩。蚩。氓。中。年。耄。將。及。我。聞。上。古。時。男。娶。待。五。十。後。來。習。攻。戰。滋。生。以。爲。急。伐。性。牀。第。閭。煎。燔。自。供。給。積。傷。在。方。寸。何。況。百。憂。集。吾。衰。孔。驚。嗟。絲。染。墨。悲。泣。上。壽。焉。可。期。榮。名。亦。空。立。齷。齷。腐。鼠。餘。青。紫。莫。爭。拾。

聖人治性情中和以爲寶。禹教先人倫。箕疇法天道。諸子偏不中。一得自矜矯。奈何索虛無。解經雜莊老。浮屠出東漢。妖夢孰稽考。六朝暨唐人。濫觴飾浮藻。循環報恩怨。惑衆使祈禱。豈知真天人。高識空八表。責已怨自稀。無求物寧擾。不讀非聖書。自羨侏儒飽。遐稽有虞代。畫衣當刑條。終身異章服。有類撻市朝。民固不畏死。法峻俗益澆。前卿疑象刑。性惡識不超。麟遊讓生草。鳳去驚胎天。祭物知天仁。則之自唐堯。仲由雞冠客。蒲鞭且停操。後有李日知。永屏朴與敲。彼哉酷吏徒。妄擬執法蕭。宿囚肆非刑。誣服由遮要。收帑始亡秦。五虐起有苗。爾後不足惜。壞此玉燭調。

辛未歲臘八前一日遊焦山遇大雪信宿而返
山僧借庵索詩用蘇子瞻放舟焦山韻走筆
付之

一邱一壑目所眴。何況名勝誇東南。茲山屢過不一
到。望若海上神山三。窮冬病體幸無恙。裏裘瑟縮如
僵蠶。鑿山疑賊靈運懼。有田不歸子美慙。江天萬里
動寒色。蛟龍百丈蟠深潭。登山拾給焦洞近。枕流高
臥神魂酣。濤聲激石壯心骨。松風入戶侵笑談。夜來
飛雪照巖谷。瓊瑤裝飾金仙龕。佳辰臘八適相值。齏
粥味勝膏粱甘。桑陰三宿恐增戀。中冷一酌原非貪。
長歌趁韻才力薄。濟勝有具衰年堪。詩僧高絕況同

志明春再訪山中庵

自焦山放舟登岸仍次前韻

象山招人遠目眈。破浪忽返江之南。勝遊難得雪盈尺。快友應記人同三。同遊爲劉司馬台斗顧文學鶴慶中流回首望絕壁。天然畫本主荆慙。八騶不換此寂寂。萬瓦未醒居潭潭。鯨波吞山石。欲裂虬枝戰風聲。正酣漫空天花助禪悅。照座玉屑開清談。剡谿旣到忍回櫂。焦仙有約當同龕。才名畫餅豈足飽。世味嚼蠟無餘甘。江流有時雜澄澗。泉性自合分廉貪。鴻歸寥廓弋空集。樹猶搖落人何堪。急圖清淨屏塵俗。歸途夢繞臨江庵。

題周上舍

廣衡

入關登華圖次吳學士

蕭韻

咸秦在天上。二華凌雲標。我遊迫飢驅。適與名山遭。
八年客關西。不問資用饒。窮冬朔風厲。盛暑炎陽驕。
東馬登龍門。豈憚去路迢。天關呼吸通。霞際衣裳飄。
驚魂在千仞。一墜不可招。偶作蓬島遊。遂趨玉宸朝。
求容恥錄錄。易缺愁嶢嶢。翻然夢巢許。無復懷管蕭。
歸田解簪紱。戴笠耘禾苗。側聞西諸侯。翹材盛賓僚。
周郎倣儻姿。華胄東吳遙。飲醇氣誼真。讀畫心神超。
開卷見絕壁。夢游起中宵。蓮花手攀弄。鶴駕從嬉遨。
東眺紫氣關。西酬白雲謠。千巖縮方寸。萬壑工摹描。
浮生苦拘檢。百歲憂勞怵。從君采藥行。長鑱日橫腰。

修羊儻可逢。毛女時相要。虛名駒過隙。游蹤鶴歸遼。
手酌北斗漿。衣用天孫緇。借問曳圭組。何似升烟霄。
餞春次查京卿有坊韻
柳拂池臺絮撲廊。淡烟疏雨玩流光。東風做冷多情。
甚。約住飛紅。又送香。
綠暗紅稀各有情。爲誰惆悵鬢絲更。能消幾度經旬。
醉。又聽新鶯出谷聲。

題筵侍御

重光

鬱岡樓隱卷

鬱岡本仙都。古有隱君子。昔游窮地肺。未得餐石髓。
初成迹荒遠。貞白此棲止。千年白雲冷。後見筵御史。
傳真孰添毫。野服想脫屣。道腴故無悶。名在長不死。

楚弓得有時。趙璧反可喜。文孫獲家珍。叔則真雋士。
裴茂才璜爲魚氏後裔索題我歸青谿曲。屋映北山陲。五松久成陰。獨鶴不飛起。誰能圖子荆。枕流洗其耳。

題方閩督

維甸

青谿放櫂圖次朱文正師韻

公勛合寫凌烟圖。胡爲空谷留白駒。公才
作舟楫。餘事經術追江都。陳情一疏急鳥哺。循陔終
日永絳趺。三山二水釣遊處。手握旌節思江湖。許謨
已樹大猷遠。著述獨洗枝辭膚。青谿一碧照鍾阜。放
櫂便抵尋蓬壺。似聞朝宁屢側席。仍以溫清辭中
樞。斯人不出共扼腕。時有雕鶚無騶虞。鈞衡須用讀
書種。譬待貞淑媒。間媛東南河患歲頻告。至尊

肝食民飢飭。山中宰相鄴侯在。借箸有益蒼生無。

慶方伯

保

出尊甫尹文端公遊攝山圖屬題次

卷中韻四首

一代勛華垂汗簡。六朝裙屐訪青山。顛厓尙有題名在。父老猶思擁節還。落帽高情鴻印爪。籠紗詩句豹窺斑。東南已奏平成績。小試經綸在此間。

銘恩鰲戴尙難勝。逸事開山問老僧。邵伯樹存終古愛。羊公石立最高層。格天政豈誇三異。好士才皆擅八能。民隱繪圖頻入告。封章藏付殿中丞。公遇偏災必請蠲緩胸中邱壑本無窮。親仿三垣築紫宮。千佛近依星拱北。萬松齊捧日升東。靈泉珠瀉。奎章麗絕壁天

開輦道通供張繁華都屏却祇留柏翠與霞紅

千佛嶺萬松山珍珠泉
天開巖皆攝山勝境

西曹東國追趨舊方伯在比部與子滄泊平生味共

嘗軾轍交遊都契合方伯兄今相國桂前鎮西域歸

鎮金陵亦韋平相業本絲長主恩旌節今重建

相過從見攝與頌江淮久未忘開卷清風思吉甫好傳精白

報當陽

渡河

萬頃長河剩半泓海田轉眼客心驚濁流不信清如此恐有波濤一路生

題慶方伯保宦游清興圖冊

春郊相馬

伯樂曾過冀北來。能收駿骨到龍媒。勸君更與求良牧。莫任空槽困軼林。

平江邀笛

碧桃花發草痕齊。一櫂春江水拍隄。只惜仙舟同醉處。不曾邀笛在青谿。

趁雨栽蘭

化雨光風未有涯。春來生意滿幽階。蕭閒官舍如空谷。便與當門種亦佳。

春園問笛

零紅碎紫漸紛紛。習靜偏宜對此君。寄語東風好扶。

植放教直節去凌雲。

東閣開尊

西園雅集留題徧。北海清尊達夜開。我似步兵貪一醉。爲君佳約賦歸來。

琴鶴怡神

手譜弦歌致俗醇。又攜玉節覲楓宸。鸞林片石何曾載。琴鶴隨身也贈人。時詒子古琴並以一鶴畜孫子祠

秋林清嘯

九秋木落見青山。絢爛霜林錦翠斑。還似山塘頻載酒。子雲亭子畫中間。

海山雅操

腕底天風和海濤。琴音驚舞戴山鰲。移情自有成連在。不碍陽春調獨高。

蓮池授簡

佳句紗籠在上頭。芙蓉池沼燕名流。待君接武平津日。開閣重登不繫舟。

望山相國督部三江作屋署西名不繫舟

海疆奏績

潢池烽靖盡淩烟。破浪乘風記昔年。應笑張騫徒繫空仙槎。虛到斗牛邊。

題方制府

維甸

尊甫恪敏公

觀成

萬松丙舍圖

次韻

白首歸來種萬松。

首句原唱

胄山南指大茅峯。烟霞彩翠

成千色巖岫回環度幾重。第八仙都名迹在。萬家敞
地吉占逢望雲未解宣風組。擁節思攜訪岳節。手植
喬林經歲月躬親負土謝徒傭。邠卿石自生前立。邵
伯膏皆去後醲。再世同藏選蓋。耐兩朝三命益銘恭。
科名屢見孫枝發。節鉞頻聽鴈序囑。畿輔神君曾繪
象。甘泉賢母亦圖容。地靈精爽時歸鶴。樹古之而欲
作龍。讀禮身常依石室。移忠助久勒金鏞。灑岡舊德
書華表。堂密新陰倚美樅。會集三年申永慕。墳加四
尺更崇封。銜哀食尚辭鹽酪。賜奠天教列鼎鐘。
帝念荀何仍降勅。公于韓范合希蹤。北山衡宇
還相望。東野雲龍恨莫從。展墓細尋枯竹徧。出山迴

顧翠雲濃。清風大鳥應常駐。儉德羔羊。是舊縫。弭節
他時勤過訪。著書甘我老。衰慵五松深處。容棲隱高
臥。袁安又一冬。十僑居舊王府之五松祠
與公奇望街宅衛宇相望

得吳太守階書却寄

圖賊籌兵仗筆端。故人憔悴乍遷官。山居不識干戈
動。猶向曹南乞牡丹。

題胡玉昆處士金陵名勝圖八幀

鍾阜

龍蟠依舊枕江湄。餘地何曾讓獬兒。紫氣消沈黃屋
冷。荒谿人覓次宗碑。

牛首

歸然天闕作南門。渡馬人知帝子尊。似此家居撞亦
壞。千秋名讓謝公墩。

靈谷

萬松陰裏聽泉聲。百級琳宮逼太清。不爲蕭梁延國
祚。金仙閱世太無情。

獅嶺

盧龍山險獅峯接。老鶴河驚鶴唳頻。三宿崖前公弼
住。南朝此際竟無人。

江關

潺湲一夜鎖江聲。雨宿風餐感客情。幾處蘆花三尺
劍。開胥誰識弄縑生。

雞籠

四陵北去一成山。塔影湖光盡日間。儒館傾積文物。盡癡雲只解護禪關。

石城

百戰江山越霸基。巔巖虎踞瞰湯池。須知一片降帆。出不及歸舟載石時。

鳳臺

元嘉招得鳳皇來。此地青蓮醉幾回。近我生平讀書處。瓦官遺寺古城隈。子庚子年讀書瓦官寺

五畝園看罌粟花

四山如畫獨登臺。衆綠成陰坐舉杯。花似文章摘錦。

出人隨蜂蝶擁門來。隔籬野菜銍金徧。積雨天光掃
翠開。更有夕陽紅萬頃。儘教絕豔費驚才。

題國山碑亭圖

趙大令曾攝荆谿因爲國山碑作亭搨本見
寄索句

校官晚出天譴毀。惟有茲碑屹然在。東吳蹟古接秦
漢。皇象書奇敵斯喜。我歸未買陽羨田。訪古不到山
山巔。披圖細認善卷洞。識字重尋倉頡篇。唐侯仲覺
風雅趙侯替。覆石作亭仍作記。封山昔聞孝侯至。庾
舍今同召公憩。吁嗟呼賞音人少。誰來游古文奇字
空遺留。君不見會稽亦有孫皓刻。誤作寔石傳千秋。

今所傳定石有天文玉石等字類天璽紀功刻太平
寰宇記會稽縣引輿地記云禹廟側有石船長一丈
云禹所乘也孫皓刻其背以述功焉後人以皓無功
可紀乃覆船刻之字其船中折案即臨平湖有石函
刻字改天册為天
璽元年時所刻也

題姚方伯秋山賭墅圖

不為蒼生緩拂衣。家山九點望依稀。角巾便憶華亭
鶴。此段知幾勝陸機。

錦江澄碧照清襟。畫裏秋山似故岑。謝傅竟須輸一
着。身親破敵又抽簪。

門前穠樾碧雲稠。遲我升堂謁太邱。留得鑿楹書卷
在。龍門作述有千秋。
今嗣椿有橫雲山
山人著述之志

問奇載酒日盈門。回首靈光幾輩存。我亦冶城新卜

築更無人賭謝公墩。

題吳君

文後

所畫東方三大圖

泰山東海孔林也

我官聖人鄉。觀禮至孔林。泰山亦三上。古迹親搜尋。
徒持登萊節。未覽滄溟深。翻然憶邱園。聊此投朝簪。
吳君妙詞翰。繪事空古今。買權揚子江。來游北山岑。
示我三大圖。燦若天列參。岱宗小齊魯。海若迷涯濔。
神哉奎婁野。千古奉德歆。我歸守書簾。敢枕落白蟬。
爲山割雲壑。鑿水開蹄涔。甘與斥鴳翔。不慕飛鴻音。
齊物等鉅細。從俗聊浮沈。長謝斗筲輩。保此雲霞心。

游仙詩

天賦恬愉適性情。不須辛苦待丹成。周家卜世空千

古。只。抵。錢。彭。過。一。生。

玉樓成後急修文。禹篆周書半失真。我有綠章通帝座。神仙須用讀書人。

幾年都廨困劉安。鷄犬升霄仰面看。未慣高寒仍倨傲。莫貪圭組作仙官。

剩有西王識歲星。清都逸事記三生。分明天上偷桃客。辟戟人間弄直聲。

何曾符籙究真詮。不管滄桑有變遷。聞道昆侖多視肉。吸風飲露便登仙。

幼召真靈盡渺茫。鞭笞鸞鳳太猖狂。神仙不作和平福。怨鬼終尋費長房。

題屠大令傳說詩圖

仙鳬一夕下蓬萊。曾向鈞天醉幾回。珥筆詞人滿霄

漢。祇今誰似謫仙才。

君由庶常改官

弦歌聲裏自敲詩。況有匡衡助解頤。江左風流愁悶

寂。看君壇坫接袁絲。

袁大令拔

商量字字要吟安。漫問高岑與杜韓。我似江淹才盡

日。避人詩債築臺難。

題三高士圖次王雅宜龍韻

何須鳥盡始盟鷗。智可家謀爲國謀。霸越吞吳成底

事。却教遲放五湖舟。

范少伯

棲條何處擇高梧。客裏悲秋恨未舒。不是知幾聊適

意還山我亦為

魚鴈

張季

泛宅平江趁好春與君千載作比鄰

家祠在虎邱與甫里祠相近

鬱林片石傳家在其羨浮沈宦海人

陸魯望

乙亥歲正月十日病中撰尚書今古文注疏成

因題元戴淳伏生授經圖

伏生自有子而使女授經經簡出壁藏口授其義明

光光廿九篇在世如日星我官聖人鄉訪古近伏城

元和郡縣志陽穀縣故伏城在縣東南二里伏生所居因以名之鄒平基空在立後

志竟成宋明已來設立五經博士惟漢儒未有立後

之因帝會學使疏題請立手疏典謨誥絕學矣畢生

伏博上遂蒙俞允廿年抱卅卷閉戶期歸耕病恐命不延撰述起四更

窗前雪盈尺。燭盡雞初鳴。展拜壁上圖。白髮撫自驚。
我子長未甞。嬌女亦始嬰。但期守圖籍。勿讓智挈瓶。
炳燭吾自堪。且緩書納楹。

蔣大令

因培

官秦安浚岱頂玉女池得秦相李

斯篆字殘石見寄搨本索詩

空基遺篆笑申

元申屠駟

徐

宋徐鉉

訪古翰君興不孤。一炬

碧霞成瓦礫

乾隆戊午歲

廟燬或傳此石已焚

碧霞元君

千年玉筋未糝

糊交希剩憶韓陵石。政美能還合浦珠。想見賓奇思

勝友先臨日。觀望東吳。

題空山聽雨圖

石葉香濃出翠帷。簪花書好寫烏絲。早梅晴日閒相

對可勝西窗話雨詩。

疏筍筵前屏舉觴。芙蓉湖畔理歸航。頻年已作浮家客。尙挈紅妝。覩道妝。

韶光如夢去。恩恩其遣春消夜雨中。我似維摩長病在。散花人近只談空。

題沈司馬

恕

所藏曹銳畫卷

曹死後王學博亡孫爲其擇壻以此

畫作聘

荀令傷神感逝川。喬公遺蹟省他年。丹青便作妝奩簿。冰壁都成翰墨緣。古道自堪酬死友。壻鄉終竟遇神仙。來遲未覩青綾障。此客登堂亦慨然。時沈已悼亡

洪太守

梧

汪太守

端光

招飲梅花書院出九日

行庵文燕圖索題馬氏玲瓏山館物也

竹西風雅思前輩。花下壺觴又一時。金粟尙留身後影。蠟梅恰放嶺頭枝。坐看玉樹頻驚老。歸啖鱸魚各恨遲。謝墅馬莊零落盡。幾人好古共襟期。

張大守

問陶

爲子題半身小影次韻荅之

江湖差喜一尊同。嬾聽高軒接鉅公。曾子不妨生蜀國。步兵原可號江東。頻來放擢非緣雪。自欲收帆不問風。後世相知儻相識。其因名位薄揚雄。

題廖轉運

寅

歸鶴亭次韻

長風萬里送歸程。逸翮曾經到碧城。拔宅去疑仙有分。橫江來應夢初成。雲龍亭後傳新記。清獻琴邊數

別情我亦邱樊思戢影偶逢知己一飛鳴

白桃花次韻

也從萼綠證仙因。好與梨花作近鄰。照水已非前度影。和雲莫辨去時津。蠟回素面朝天闕。罷舞霓裳對月輪。五日清風三日雨。爲他洗淨軟紅塵。

得周號叔鐘歌次韓昌黎石鼓詩韻

銘功彝器古人重。樂縣在御工升歌。八分改隸變倉頡。九千諷字存蕭何。茲鐘周餘出西號。如見禹鼎如兕戈。輪囷壓載力難抱。青翠入骨誰能磨。奇文可讀費講解。至寶偶獲非搜羅。昔聞西伯詢二虢。奉嶂髦士皆峨峨。雞斯贖罪入天府。鳳羽表瑞來巖阿。鑄金

自欲子孫守假器。或恐神靈呵。周公尊師諡。可考。惠叔字常卽史。撫下筆。體不訛。畫沙分明爪。落隼懸。說叔之諡針。纖瘦文成蚪。年深列虞想。追蠶響應建。鼓爭鳴。鼉區區後世。弃車輔。縣縣伐國。尋斧柯。百鈞重器土埋。質千年往事。機投梭。可憐古樂盡。弛廢誰見端。冕來委蛇。尸臣鼎。出問張敞。幼婦題後傳。曹娥我曾訪。古入函谷。近復引疾歸。江沱家徒立。壁似司馬地。剩片石。尋光和江南北古物埋頭故紙。獨扃戶。敗興歎歲仍催科。眼明一見徑。須購手拓百本。寧嫌多。有情曾聞泣金翟。沒字空復嗟銅駝。知音幸顧聲價重。妙製豈任烟雲過。攜歸宗祏世永寶。參校蟲篆朋相磋。升堂

似觀虹貫斗。渡水忽懼蛟。興波楚人得。弓事偶爾魯。
國取郃禮則。頗投珠匪暗。庶得所挈。瓶有智期靡佗。
魏絳無功尚忸怩。展禽別厲難媿媿。土花未脫半漫。
滅。水墨不厭相揆抄。從誰薤撞發清韻。令我才盡猶。
長哦。陳庭何必雒雄雉。出地偶復同雙鵝。有嚴在上。
翼在下。得純亡休福不邪。銘有云嚴在上翼在下又
云得屯亡休降旅多福
琳琅金籬日環列。布素茅屋忘坎軻。家珍薦廟抵圭。
瓚。神物在世光山河。人生如汝壽堅好。百年過半非。
蹉跎。

百節相招同石殿撰

韞玉

陳大守

漢

佔余燕集

制署令公子出拜賦呈一律

木天追步許題襟。江國開筵又盍簪。同向行臺看玉樹。忽疑芳燕到瓊林。傳衣他日爭先甲。聽履中朝有嗣音。星聚東南依北斗。好添佳話在棠陰。

臘月十九日爲蘇文忠生日招集同人設祀五

畝園次集中游蔣山元韻

文物開來者。神靈百惠然。拜同庚子日。會仿永和年。

鍾嶺尋游屐。秦淮記泊船。公集有泊舟金陵阻風之作金鑄金思少。

伯題象替青蓮。公有題太梁苑懷前度署有此句

吳宮借左偏。五畝園在舊吳王府東猶龍歸上界。馭

鶴下層巔。福讓三生慧。廉陳一勺泉。九州知誕日。千

古惜生天。手筆期同輩。心香結篆烟。高寒回望處。玉

字月娟娟。

贈張生

灤

次許漕督

兆椿

韻

爭名何必向長安。湖海才高著眼看。文舉再生應爾薦。郗超一到令公歡。翹材得似平津少。行路休嗟鮑照難。脫手新詩勞贈我。有人擊節欲傳觀。

花外山光柳下風。扶輿處處得君同。飄零未必才空老。漫滅何妨刺鮮通。問字踏殘庭雪白。論詩敲盡燭花紅。休嫌仲蔚蓬蒿徑。自有高軒接鉅公。

江光一綫閣次姚比部

肅韻

翠微一徑入雲斜。極目東南未有涯。江水白添連夜雨。嶺梅紅似半天霞。何年蘭若迷陳井。

烟脂井宋人謂在法寶寺

終古青山屬謝家。過眼韶光天愛惜。春寒留住十分花。

秋郊口占

未成邨落兩三家。古樹霜寒立暮鴉。不信秋風最蕭瑟。蘆花起舞學楊花。

唐太守

仲冕

石殿撰

韞玉

先後假館五松園有

詩贈予次韻答之

未到縣車便乞身。抽簪猶惜鬢霜新。問奇不斷門前客。投轄常留坐上賓。小築數間同傳舍。一年幾度值花辰。故交多占夔龍席。贏得江湖與散人。

霜葉多時戀故林。雲羅何處網翔禽。眼看弱柳風流

在坐蔭長松。歲月深庾信。小園聊獨樂。杜陵廣廈負。
初心落英芳草門前路。平世桃源任客尋。

一徑留莎滿客廳。幾人看竹問居停。已憑鍾阜爲圖。
障直借青谿作釣汀。攬轡未酬宣室問。還山不。

負草堂靈。狀元坊謂石琢堂與文翁室謂唐陶山江左他時說。

聚星。

二頃何曾作遠謀。營巢應笑拙於鳩。圖書清閤蕭閒。
坐花月春江爛漫游。賺我名同殘夢過。報君詩媿夜。
光投到門一派春淮水。有約攜觴共拍浮。

五畝園落成口占十二首

小笥陂

芍陂浩千頃一壑不嫌小我無澤及民灌園以終老

蒹葭亭

露白葭蒼際斯亭面碧潯無人見高絮一鷺下波心

留餘春館

婪尾紅初綻成陰綠未齊春光無限好留地種醪醅

廉卉堂

唐太守仲寬題額云辛未之歲淵如

饋贐越數年人思樂易之德多寄土物因以曹南壯丹植於後庭受取鬱林廉石之義以署其堂且勉後人無忘清白之傳

移來深色花臣門忽如市方媿載石人空齋一卷詩

枕流軒

松際濤聲遠荷間露氣侵尚嫌泉聒耳止水照清襟

窺園閣

五畝興公宅。三年董相書。黃金色裏樓。開是仙居。
蔬香舍

拔葵箴俗吏。種菜惜英雄。我愛齏鹽味。歸應爲晚菘。
綠斐茨

就竹架南茨。臨流開北戶。遠客屢移牀。此君常共語。
映雪亭

臥閣三冬嬾。凌寒一卷開。花光兼雪月。併送夜明來。
鷗波舫

烟水橫窗遠。江湖入夢回。觀魚猶罷釣。鷗鳥莫相猜。
奧室

花好迎冬旭。衣須振俗塵。任教霜覆瓦。寒谷早回春。
嘯臺

四山如畫障。萬綠見橫枝。嵇阮無仙骨。蘇門獨往時。

冶城絮養集卷下

芳茂山人詩錄第七

題羅山人

聘

爲子寫昔夢圖十幀

含飴夜課

乾隆十八年癸酉歲九月甲寅余生於常州郡城之觀子巷今劉氏宅也時家大人以四月入都大母許太夫人故守節撫孤及得孫愛憐特甚五歲入塾歸太夫人必篝燈課讀母金夫人紡繅其側比家大人歸已九齡矣

烏夜啼。香柚樹兒抱書來。塾師處阿母視兒衣。老嫗問兒飢。兒就大母牽裾嬉。大母勸兒書再續。一錢買

豆十回讀書聲。紡聲燈一粟。鄰雞欲鳴更漏促。父歸識父兒九齡。背誦文選留賓聽。

山夕酬詩

歲乙未予始偕室人王夫人來句曲官署屋前有喬松桐桂秋宵論史燈月淒清夫人有詩云五更殘月欺燈影一樹風鴉續鴈聲予訝其慘切遂成詩識

烟霏霏露暉暉。月出桐柏光入幃。幽人對吟病妨冷。柏子熱香桐淪茗。開書瘦脫玉釧聲。背荻慵垂翠鬟影。錦衾絲薄牛衣似。酌酒屬君還論史。王章之妻兒女子何事。干卿三歎起。事見袁太史枚所撰志銘

地肺尋碑

句曲學會去茅山三十里曾借錢少詹大

所訪求古碣復與洪孝廉亮吉信宿山齋

中宵賭酒中峯或冬月解衣入蓬壺洞行

數里深不可測燭盡而出同人訝之

弱齡頗好道慕有龍仙芝勾金之壇間神仙所娛嬉
天風吹衣雲繞足洪厓拍肩同信宿宵攜酒榼上頂
峯冬脫裘裳入幽谷初成兄弟去不回越翳之穴迷
蒼苔山中宰相充隱耳不識梁武非仙才地肺玲瓏
似堂密我欲南穿洞庭出龍威祕符不可得洞口題
名土花蝕

采石同舟

采石有絕壁大書珠聯璧合四字俗傳是
李白崔宗之醉月處歲丁酉子與洪君亮
吉客安徽學使幕中登黃山白嶽上天都
峯熟游青山白紵之間釀酒太白樓前而
返

我游皖公山直造天都峯萬松偃蓋石鑿空鋪海干
頃雲溶溶琴高溪淺魚可數八公山空鶴唳苦就中
秀異不可忘白紵青山熟游處江光接天一葉舟東
山月出同拍浮竹君學士文章伯想像高樓醉佳客
洪生當杯感陳迹我亦題詩臨絕壁江山如此不逢

人。醉。酒。大。呼。李。太。白。

漢宮訪古

歲戊戌至甲辰入關七載值畢中丞沅開
翹才之館著述之暇與諸名士出遊曲江
樂遊原訪漢長安古城所得瓦當文字奇
古程上舍_襲嘗鎔錫印沙釋錄成書流傳
海內

阿房一炬成焦土金銅仙人泣移處長安所遇故物
稀片瓦千年出荒圃秦宮蘭池漢未央蕭相事迹珍
琳琅宣和好古惜未見不與什襲千金裝漕渠斷絕
昆池塞惟見高原劫灰黑路人但拜蝦蟆陵萬戶千

門豈能別君不見銅雀瓦如沒字碑臨春結綺餘陳
泥世人知寶宣德製今所傳未央瓦如瓦形者明宣德時偽物魚目混珠
吁可悲

龍門題壁

癸卯歲北試下第自晉入秦偕仲弟星衡

登井陘歷三天門訪絳州石天尊象碧落
文不得遂登龍門渡河之韓原仍至長安
節署

連山插天松挂壁竟夕風颭蕩心魄起登絕頂看黃
流雄雞一鳴日九赤循厓謁廟歎禹功斧鑿何處施
神工馮夷都深數十里萬丈蛟龍蟠水底有時發蟄

一聲雷多少。凡魚欲飛起。渡河展拜司馬墳。如我壯游。曾幾人。君不見。天池鯉化搏風雲。濁河如帶難容身。

蓬島游仙

子以丁未科及第入玉堂校中祕書於西苑之文瀾閣旋以散館改官比部張檢討問陶贈子詩有云十二瓊樓無定所神仙何必住蓬萊

我昔飛步蓬萊巔。玉樓落筆驚人天。綠章一夕奏奇字。仙官不讀南華篇。剛風吹墮白雲裏。郎位哀烏冷如水。有時呼吸帝座通。謫來猶在天九重。銅頭鐵額

頑仙宅。偃月堂。開手堪炙。招之不來。有屈節揮手。爛醉長安陌。浮雲蒼狗。倏變遷我。亦夢醒解釣天。青霄冥冥黃鵠舉。釣竿東去迷烟霧。回視蜃樓小。一漚散仙更有逃名處。

五臺省謁

乾隆五十七年

西巡之歲予以尙

書郎扈從時家大人官河曲令治道臺懷省觀于清涼山麓自奉大母及母入都就養不見家大人六年矣

長城北去山極天。千乘萬騎來駢闐。巉巖無路自終古。人力要令石戴土。山環谷轉如平野。鞅掌無時得

休暇征夫心動馬回頭遙見白雲親所舍循陔何日
歸採蘭翻累俯畜羅晨餐夜深去就擅帳宿起訝瓊
瑤照巖谷雪花如掌作陽春石隙桃林紅萬簇時三
月大
雪桃花琳宮高下香烟生天清地曠山空明黃衣之
僧占名勝白屋無地屯耕氓似聞北臺尤斗絕太古
常留丈深雪我疑此處有仙真可惜前人無轍迹

書堂問字

予始僦居琉璃殿橋之西宅前有大樹海
內之士賞奇析疑者咸識其居也後移寓
孫公園小拓室宇爲諸名士燕集之地每
歲朝鮮使臣至必款門投刺朴卿齊家爲

子書問字堂額又大書崔儵語云不讀五千卷書毋得入此室

琉璃殿西青殿口塵囂圖書街尊卣十丈紅飛過客塵一株綠認先生柳高冠褒服來叩門登堂畫字口不言愛才異域且同志豈有文譽雞林傳異書海舶有時出不似大航留偽帙開成石刻贈殷勤要使薄海尊經術興來落筆蛟螭翔五千卷室崔儵藏似聞比歲朝天客猶訪當年問字堂

孔林觀禮

甲寅歲輯古文尙書馬鄭注成企想前哲有執禮器西行之夢乙卯歲六月遂拜究

沂曹濟道之命展謁孔林得見公府所藏

宋元冠服及

御賜彝鼎良爲多幸

昔夢執禮器隨聖東山行豈知奎婁宇外補來建旌
升堂不覩丹書字慙誠卻媿鍾離意前朝袍笏舊留
遺昭代鼎彝新拜賜草草三年政未成再過

聖域心怦怦微言欲絕後生責手撰集語酬神明宋薛

據孔子集語簡略因別撰成書至嘉慶丙子歲刊成寄聖公慶鎔

題吳君

文徵

爲子畫江湖負米圖六幘

萬卷歸裝

嘉慶丁巳歲子丁母艱歸自涉上但攜故
書數十簞時值湖河合流渺漫數百里大

風一日夜從舟相失。子翼母柩在舟。舟人惶急禱祝。子怒曰。人以重貲獲濟。我乃以書遭神忌。不畏請於帝耶。應時風止。而書在他舟者。竟沈濕。或云聚書易散。且致火患。此可壓勝矣。

行李蕭然。歸泛濟。數十簾書而已矣。路人方笑使君貧。河伯忽然疑。慧目前。舟風引覆水。涓後舟搖蕩。不可維。千金欲奪子羽璧。六丁不護瀧岡碑。一波未平一波起。河湖合處深無底。大呼幾欲徇機輿。萬里長風應聲止。歸來檢點空嗟吁。卷帙散亂文模糊。或言藏書之家例遭劫。此物落水長無虞。君不見鬱林石。

時苗憤廉吏脩然本無欲。人生者好盡爲累。萬卷歸
裝不知足。

巫門訪墓

吳將孫子武墓在吳縣見劉昭注郡國志
引皇覽元盧熊府志謂在永昌鎮至吳郡
志失載後人遂不知其處嘉慶庚申歲冬
予偕董文學國華家茂才延買舟訪墓至
巫門外地名雍倉得古冢有柏樹甚古土
人呼孫墩惜無碑識定之越七年乃建祠
虎丘東麓立碑瘞象云

吾家吳將高絕倫功成不作霸國臣春秋三傳佚名

姓大冢却在吳東門。吳人耕種少閒地。訪墓雍倉一
舟繫。礪環惟見古柏存。徧覽平疇失碑記。傳家私印
不可磨。家藏孫子銅印方不闔閭冢側祠魏弢武成
王廟廢不舉。東南淫祀何其多。君不見烏喙之鄰施
閒謀。內嬖忽。然消霸業。西施可惜。入官遲。不付將軍
教兵法。

青谿卜宅

予以丁巳歲歸南僑居金陵舊吳王府有
古松五株因建祠祀明功臣燕山忠愍侯
諱興祖侯故祀雞籠山功臣廟歲久傾圮
今粟主附祀曹王廟至是始申明有司建

立專祠

古松五株何代遺。後映鍾阜前青谿。迤東傳是江總宅。吳王苑近烟波迷。卅年作宦徒立壁。垂橐仍爲白門客。戶多車轍似充隱。家近吳頭常泛宅。松濤聲起萬壑喧。石骨疊作羣山根。清池觀儵竹籠鶴。風月滿院看常新。主人再歸甘蠖伏。賣文得錢還潤屋。佳賓時至與懸榻。俗客若來從看竹。碧玉水生新漲痕。黃金花放陽春暄。校書更上三層閣。載酒仍過五畝園。園在祠右

禹穴探奇

歲庚申予主講浙東之戢山恭謁禹陵並

游吼山諸名勝考張晏注漢書稱禹陵上有孔穴則卽今陽明洞後人誤以廟爲陵明嘉靖間閩人鄭善夫妄指向西之隴爲立碣題識不經之甚予旣據太平寰宇記知窆石爲孫吳刻擬作記辨正之

我曾壯歲登龍門直過中年探禹穴中間作宦苦羈東日月真如電光掣龍門壯哉比大文禹穴秀絕如詩人竭來謁廟有神助兩脚收盡開朝曦是日甚雨發岸忽晴陽明之洞臨絕壁正對香爐一峯碧游人不識孫皓碑誤向石船呼窆石今所傳窆石文字如天發神讖碑據太平寰宇記考爲孫吳時刻會稽之刻久失真梅梁改易新橈焚時正閩人題

碣最誣罔青鳥之說遷古墳向平好游尋宿諾杖策
更須窮五岳君不見虞巡那得至衡山我欲題名上
南霍唐虞時南岳霍山在今安徽省尚書大傳諸書皆云然今以衡山當之太遠

延陵話舊

予與同里諸子交洪編修亮吉蹤跡尤密

嘗以詩贈予云偶讀開成大傳詩七年我
亦長微之又云神仙共挂蓬萊籍風月閒
吟楊柳枝其後竟同入翰林比戊辰歲從
山東假歸洪自戍所回里與諸同人多文
讌之樂

青山莊廢花石移白雲渡近烟波迷素交重訪半爲

鬼黃壚。一醉會如泥。生平畢竟懷知己。故土風光冷。

無比。蔣公

蔣侍御和寧

三徑罷開筵。楊子

楊大倫

元亭空故

址。魯靈光有老探花。

趙觀論詩勘史逢人誇。仙妹夜

醉劉晨

劉中贊種之

宅。食譜朝尋朱亥

今中丞朱方伯勲

家翰林

仙人狂欲絕。

洪編修亮吉

自把孫洪比。元白五雲同看。

御園花萬里。獨踏天山雪。近來所遇多後生。相逢

不識空知名。西州再過有餘慟。東山中歲難陶情。老

去頻思釣游處。晨星舊侶驚重遇。莊周莊刺曾夢胡

蝶回趙壹

趙司馬懷王

漫嗟窮鳥賦。

湖樓話經

阮中丞

元

既延予主講浙東復建話經精

舍於孤山之北集諸生之高才者講學其中屬王少寇初借予迭主授經之席精舍前有第一樓當湖山勝處予以鄭氏集經訓之大成許叔重存三代之古字議立主祀之

第一樓頭撰經詁正對湖山最佳處中丞開閣思翹材招我來游浙西路樓旁許鄭新建祠壓倒白蘇空賦詩湖光欲入子雲室山翠自擁江都帷淵原更溯朱公叔先是朱文正提學浙海內傳衣盡名宿萬間中多識拔古學之士常芑士歡顏五色不迷文過目幾時華屋悲山邱王通王少寇初近又下世示疾還歸休中丞移節阮中丞旋改京職我隨

牒癸亥年赴山翠湖光空滿樓寄書碧洛青嵩去中
今撫中州補東省衰病憐予北山住子近主講鍾山堂前問字少人過自
檢圖書理殘蠹

題吳君

文徵

爲予畫海岱舉帷圖十幀

東緡訪古

漢平狄將軍朱鮪石室在金鄉城北有畫
象奇古子官沛上每歲防河曹單過此摩
挲故刻捐本藏之後爲黃流所漫舊迹都
湮矣嘉祥又有新出武氏祠畫象及肥城
郭巨石室皆與黃司馬易親至其地
扶溝侯墓漢石室畫象猶留古人迹黃丞好事導我

游武氏祠碑更新出。我來行部攜桑經。詢訪古跡驂
常停車前。八騶豈足慕碑下。七日難忘情篋中。墨本
神明煥。再來已值黃流漫。千年邱隴道旁迷。咫尺滄
桑眼中換。君不見桓魋石椁誰與題。南山雖鉅無人
知。昭陵發後蘭亭出。翻作佳話千秋垂。

南樓卻扇

充郡南樓爲杜子美趨庭之地。乾隆乙卯
歲之官。明年爲族妹與吳孝廉蕭成昏。於
使署妹貧。隨叔父流轉至都。幾爲貴人簪
子擇才士許嫁焉。大母愛其姿質。收養之。
如親出。吳時方北試。越五年入翰林。

南樓雪霽月挂空。梅花翠羽熙春融。華堂屏開感婚
夕。畫戟四照明燈紅。鳳皇樓峻遲回久。婿鄉合有神
仙偶。不是相攸溫嶠才。可憐幾似韓憑婦。我知季重
殊常倫。早年下筆驚淵雲。催妝詩寫簪花格。織錦梭
投綴玉文。匆匆又值春官試。太白樓前送征騎。將離
花下別。中閨遠志書回。仍下第。記取盧儲一日知。杏
園春信未嫌遲。爭傳北闕凌雲賦。莫忘南樓卻扇時。

單父塞河

乾隆丙辰歲六月河流漫溢豐縣決口單
父河隄亦壞予偕康廉使基田建議隄塞
築壩長數里遏絕大溜三日夜功成費銀

三萬兩復立重隄格隄單邑河患自此不
作自經河決未有遏止者大府以下游江
南潰決未及

上聞

康熙庚辰六月山

東單縣北岸黑龍潭夜間猝遇大水漫隄
下注決口二十六丈外灘低河身三丈餘
水奔騰直注濤聲雷轟間數里外時基田
與充沂孫觀察星衍防河決口水溜不能
施工乃從河灘水淺處圍築月隄長四里
餘盛夏舊稻料用完新稻未登場乃伐近
地柳枝買民人麥稻剛柔相間用土追壓
從西首鋪進收至東隄三晝夜鋪竣河水
不得進決口斷

流轉敗為功

東南比歲黃流溢疑有陰權蔽天日豐工已見大隄
開單父懸流亦遘疾黎明東望黑霧屯倏忽破岸同
崩淪青疇已隨蛟室沒赤子盡戴魚頭奔東方廉使

王尊似。偕我行。河到河汜。直憑身手。障狂瀾。並少蘆。
灰止淫水。芻茭未積。勞輸將。負薪擔土。同奔忙。填淤
淺處。到深水。擁遏兩岸。臨中央。地軸如山。萬夫下虹。
梁欲叱黿鼉。駕滄海爲田。只片時黃金。與土真同價。
眼看轉敗。還成功。古來趨事須和衷。君不見帑金虛
糜。七百萬隄塞不就。嗟曹工。曹工合龍卒不成。明年
河南決溢。乃得築隄時
謂打
乾口

泰山祈雪

東省無冬雪。明年多蝗蝻之患。予權臬時。
以丁巳歲二月。禱雪泰山。及罷任回兗州。
道經山麓。時已三月。一夕得大雪。疑有神。

應云

我從歷下歸東魯。龜山蔽天手無斧。一冬無雪蝗孽生。記禱靈山謁神宇。泰山初登高不危。如人大度無町畦。山長谷迴地勢闊。雖有邱壑非險巇。漸轉還如蟻行磨。一石千人萬人坐。石坡誰刻釋氏文。欲使谿流誦聲過。一重一掩路折紆。入峽似入壺。公壺豁然開。朗見天日。疑出人世遊仙都。石梁臨潭倚絕壁。瀑布飛來徑途絕。回頭却認琴筑聲。空谷滴泉鳴石穴。萬松對面隔一山。蛟龍動影雲霄間。南天門高高幾許。輿夫蟹行馬蹄苦。金泥玉檢竟沉埋。沒字碑橫最高處。再來山下空舉帷。雪花一夕凌春來。隔年祈澤

若有應信我人忌蒙神知看山憶舊匆匆去回望齊山在烟霧莫教潔白太分明半壓黃塵半遮樹

曹南樹碑

歲丙辰行河至曹縣訪得湯陵在景山卽
皇覽稱漢御史卻長卿所見濟陰湯冢也
後世誤在滎河旣移咨山西謝方伯啟昆
辨正其事因議貲修廟越八年復以參藩
莅東而充沂魏觀察成憲已爲置祭田修
整祠宇予爲立碑又嘗親訪魚臺伏羲陵
今亦誤祀陳州惜未請之于朝釐正祀
典

沛陰薄縣殷王畿河流橫隔故迹迷漢臣行河得湯
冢榮河之祀真傳疑我來茆舍曹南憩徧覽川原求
古記微鄉微子難識已氏伊尹墓荒景山陵亦如平地
手題貞石爲勒名恍有夢寐通神明魏君後至幸同
志爲置祀產修軒楹君不見伏羲陵在鳬山麓宋刻
元碑尙堪讀豈知今亦祀陳州祀典誰釐望當軸

鄒平立祀

水經注載伏生墓在東朝陽卽今鄒平之
冢子權臬東省以伏生傳書在秦漢絕續
之際議爲建立博士訪其後裔宗譜申上
之竟荷 俞旨有漢一代之儒始有列于

世家者惜爲鄭康成請立竟格于部議云

伏生之書藏屋壁。晁錯寫時幾朽折。當時或使女授

簡。豈有經文口傳說承家理湛俱通經。千秋篆墓留

鄒平。聖門子賤本華胄。見顏氏家訓東州不闕馳賢聲。元

明耳食未聞道。經義猶循安石造。南宋諸儒注經多用王安石新義

濂洛關閩博士多。漢儒未食傳經報。我來權臬始發

端。撫教後裔屬長官。竟申政府荷俞旨得有世

祿。傳淵原十年更撰尙書疏。先哲還從夢中遇。尙嫌

科斗變今文。敢後先秦求訓詁。子撰尙書今古文注疏多用漢魏已前說

礪阜吹沙漸欲平。遙瞻高密不勝情。禮官不問有培

柳。東省近立有子博士其譜載有培柳有培梅外臺爲漢時有氏後裔並無出典容臺竟未駁斥

誰奏鄭康成。

濮陽焚舍

嘉慶癸亥歲嘉平月再至東省奉檄補賑
曹南一路涉歷冰雪兩月魏觀察成憲贈
詩云義陵湯冢考原真行部重來鴈澤春
別有蒼生迎馬首揭碑人與賣書人蓋戲
之也

我從涕上至濮陽跋涉原隰凌冰霜鳩形鵠面繞車
轍升斗未徧無餘糧頻年買穀無長計東省穀貴常平倉久未買
補賑多折色倉困空虛折錢幣可憐滿把不充飢誰
不敷穀價省災黎更憔悴我從補賑聊從寬明知多弊艱實難

中臺未絕胥吏費外省祇增供張繁君不見汲長孺
河內發粟不取旨又不見劉思立請廢賑簿停詔使
魏君作札還相狎譏我沿途購書帖虛名或恐誤蒼
生善政誰知困成法

臨河訪古

博平有鳴犢河故道地與齊趙分界卽孔
子臨河不渡處也自河漫濟漚入海通流
至此予以甲子歲春之安德任經過其地
有句云河水又通鳴犢口春江不作狎鷗
人時兼攝登萊道又有句云三篋古書隨
後乘一雙金印在前驅

狄水揚沙壤舟楫臨河昔畏波濤急千年水徙鳴犢
湮幾時又見奔流入博平境小齊趙分我行至此思
古人宜尼憂患尙不免宜我坐席無時溫頻年南北
東西走捧檄裁沾祿升斗勞薪愁過漢金隄泛梗撓
愉齊土偶移文慚媿出山阿北上租船又納禾未信
澄清由攬轡可能撫字緩催科

衛水浮碑

旣官安德之明年有告衛河第三屯出有
古碑往視爲北魏營州刺史高貞碑中有
載卡字不可識予審卡卽弄字因爲移置
州學高氏族葬在此先出有高湛高植兩

碑湛碑楷法工致藏安德封氏

高家兄弟椒房戚。大豕難防水衝擊。馮夷知我好古碑。夜半浮出長河湄。畊氓見此驚告我。往視如獲瑤瓊瑰。碑中奇字頗難識。賴我能通六書說。文初變楷帶分隸。石幸埋沙未刈。缺千夫邪許移入城。橫舍立處高崢嶸。流傳墨本徧寰宇。考史共記高貞名。八年濟北燕南住。善政應慙頌來暮。後人或比峴山碑。憶我摩娑不能去。

潞河訪廟

予每歲轉運北上泊舟潞河之側通州元己前無城自予十五世從祖故明功臣燕

山忠愍侯

興祖

始築城鎮守舊有勅建廟

祀配享常開平王後改關廟方志載有正

統時王植碑記今不可見矣

我遊河朔先訪古每歲維舟潞河濟河西元代未築

城燕山征虜於此停

侯爲常開平王副征虜大將軍

金湯保障民戴

德廟食曾配常開平可憐故址難重識斗母官還委

榛棘

方志云廟卽斗母官

舊城尋徧東南隅不見殘碑署王植

金陵亦祀明功臣惟侯肖像猶生存

明建功臣廟于雞鳴山壘功

臣像時惟公生

雞鳴山基亦荒落粟主寄食曹王彬

存因虛其位

我營家廟潮初祖後倚鍾山右王

今功臣木主寄曹

府五松祠祀忠愍侯在舊他時或仗子孫賢廢祀通

吳王府申詳有司咨題

州再興舉

題吳君

文徵

爲予畫歷下旬宣圖四幀

明湖餞別

嘉慶丁卯歲夏六月權藩至歷下與石廉

使

韞玉

交替偕周通守

世錦

周大令

蔣

少府

因培

餞別於惠泉寺寺臨大明湖在

歷下亭之東山光水色殊爲勝境各爲詩

紀事云

歷城滿地伏沛泉大明湖在城中開鵲華照影秀欲
絕蘆蒲拂浪鳴脩然行廚草草非難致半日開筵坐
蕭寺地勝看山憶故山心清省事如無事曼卿天人

謫世間判筆不抵民情好。藩條一攬等。失馬蓬島再入同。登仙周郎清興。蔣生筆且共尊前會真率。陳君且莫問三空。京兆只宜留五日。

龍洞探奇

去厯城四十里有龍洞石壁奇絕或如累甌或類削成方秋霜林紅翠若錦屏徑窅深泉流作琴筑聲又十里餘爲佛峪多六朝刻象古洞有隨唐人墨蹟題字予凡三至其處所見關洛江浙名山無過之者

我游龍洞驚奇絕畫不成圖口難說名山踏徧孰比方仙境入來疑隔別初循仄徑如桃源石上瀧瀧鳴

清泉前山引勝後山阻。千回百折依螺旋。是時十月
楓林赤。花錦屏。開照空碧。側厓銜日半規紅。絕頂留
雲一層白。萬山斧鑿痕從橫。一石壁立由天成。或如
削。方或重。巖岌岌。欲墜風雷聲。緣山有穴入。復出。倏
見飛仙上空闊。遙看老鶻避峯巔。誰置浮屠臨木末。
前頭更有佛峪深。隨唐題字重搜尋。橫空結屋玉京
闕。沿路飛瀑瑤琴音。生平苦戀山水窟。三宿難留意
超忽。茲游猶恨未懸車。我欲移山向吳越。

安德行河

漢屯氏河卽今衡水其支流北通王莽河
經德州至海豐鹽山入海歲久淤塞臨清

上游漳流漲發汶水低弱輒閉閘以防挾
沙淤運糧艘不得出口謂之捫口自予建
議重浚恩縣四女祠支河洩流入海捫口
之患遂絕直省靜海一帶隄岸亦不至決
溢時以權藩巡工安德

禹河故迹屯氏存。支流迤東經鬲津。燕齊錯壤水利
廢。近海畧見溝通痕。老黃河身今占種。民力難資官
屢空。四女祠前舊道漚。臨清閘外新沙擁。衛流高處
汶流低。濁漳合之五斗泥。挑沙放閘豈長策。糧船不
出丁。嗟咨。我來議浚申。

前詔故大學士劉文正

會直隸東省

洩水先從下游導。萬夫合作不經旬。千

艘遄行奏成效。前年度地雪盈尺。今年巡工雨沾。橫
不辭櫛沐至再三。況復旬宣有專責。君不見趙王河。
我曾議浚謀孔多。消疏濟運究何日。一雨市上積潦
傷田禾。田禾上趙王河久澇每夏雨潦淹浸

賓興得士

丁卯科鄉試得士有文登畢君。以田經學
無雙畢故與予舊交。負重名久困場屋。姚
殿撰文田以對策賞拔之。予時權藩主鹿
鳴之宴。以爲佳話。

大羅天上几筵張。萬條紅燭相輝光。龍迎雷擁聽名
姓。蕊珠仙籍鋪中央。一聲堂上都傾耳。其省裴頭與

黃尾孤寒平地竟飛騰聞呼畢卓真名士我希開閣
平津風稷下髦士來追從春花雖多秋實少百樹期
收一穫功元之拾才有神識倒海求珠山剖壁目迷
不失李華文心賞獨有劉蕡策明朝桂苑歌霓裳星
攢多士雲龍翔座中方伯喜欲狂吾道東矣生升堂

得兮中

義仲省文

所作已白

紀伯省文

鐘次蘇文忠石鼓

歌韻作詩紀之

陶唐推律正建丑磬擊后夔瑟瞽叟

見呂氏春秋

笙鏞間

作和人神金石諧聲感飛走五鐘

見尚書大傳

難觀失先

型二典猶傳在人口周家考工重稽古義氏世官宜

有後省文兮中義仲同銘字庚庚得三九

銘云兮中作大英鐘

其用追孝于皇考已白用佩喜前前追史籀失斯喜

後壓邈隸輕顏柳推求銑舞合古度夾鐘辰應卯值

斗購之不惜金滿籩餉我還同印懸肘平生耆古比

昌歎眞厲從誰別苗莠或疑已白卽紀侯大去國心

存孝友春秋繁露玉英第四齊將復讎紀侯自知力

可以不死也汝以歸往服罪於齊請以立五廟之主不

先君歲時有所依歸率一國之衆以衛九世之主襄

公逐之不去求之邪予上下全宗季弟遣微子舒難

賢臣無闕穀金壺注誠慎驚馬鐵畫遺文見科蚪文

人追孝用侃喜子孫永寶祈胡考世衰宗器詎長保

鄭國龜嘗晉樊噲當時神物避兵燹出土奇珍奪尊

卣邨夫野老不識丁熟視離婁等矇眵強尋頡字作

皇辟僞造禹迹迷岫嶺。我營居室先宗祧。追遠猶慚
德歸厚。千年至寶人。鬼歆再拜陳辭嗣孫某銅山金
穴豈足恃過眼烟雲化。烏有不須什襲飾金玉。亟與
特懸求栲杻楊雄博物習雕蟲。宣聖考文窮畫狗。見說
文邇來解組作寓公。已免漂梗思土偶。抱之肥遁老
空谷。藉校古書期皓首。露盤金狄本沒字。僖父遇之
從折掎。尸臣官邑張敞釋郡國鼎彝沒長取。光浮紅
翠欲成虹。質帶泥沙先刮垢。外堂便作分器陳。傳世
方期挈瓶守。施諸猛虜震趙越。細認追蠡未消朽。吾
翁瞿鑠近九旬。進爵摩挲白眉壽。

張君

開福

從海濱得吳天紀。輒贈予。卽次來詩。

韻荅之

聽雨愁風臥病時。經旬不出董生帷。逢君楚尾傾程
蓋餉我吳甌。勝蜀師。亦輒名或云兩世交看陳紀在。
子與君父燕昌相識百城書守晏嬰遺。六朝古迹期同訪。一路
春花趁好姿。

冶城遺集一卷

芳茂山人詩錄第八

題溫忠烈公璜遺象

孝非絕裾忠同銜須繫母之訓爲臣之模國亡家亡
光光司李血書千言脫屣妻子易名奕禩詒謀一經
無忘清白尚有典型

蘇文忠公壽謠詩在西安畢督部沅署中作

公昔手題太白眞我亦題詩爲公壽乾坤茫茫替人
在各有浮名挂星斗河間開府雄文章爲公生日羅
清觴滿堂賓從盡賢士就中有客如公狂公神猶龍
去天際畫手思公會公意濶達修眉一尺頭胸中尚
鬱如虹氣吟詩作賦亦偶然有時彈冠復挂冠生

不負范滂傳恥與俗士相周旋秦中舊是公官處八
觀蕭條散風雨東湖一片月如煙披髮騎鯨倘重遇
我家陽羨公所棲慷慨自賦除年詩江文通筆竟誰
授紀少瑜夢疑吾私生年三十弄鉛槧不及秦黃媿
生晚詩成一笑公可聞復恐來者思今人

試香

辟寒簾底漸氤氲石葉拈來取次焚銀燭暗隨灰一
寸繡衾虛借煖三分離愁似爾都成縷幽夢從他欲
化雲曾爲如蘭人坐對錦裯幾日罷重薰

對月

隔簾當戶最含情半掩燈明半鏡明一度落如人小

別暫時圓比夢難成空階霜葉時成響虛牖風琴目
作聲惆悵尊前邀不得關山如此又孤行

六哀詩

黃仲則少府

我識黃郎最少年典裘一賦正翩翩花裁陰骨須輪
俊鶴比天姿合遜妍尙訣巨卿真死友予在安邑遇君病甚劇
不辭阿嬈竟神仙方城一尉猶難得君時尙侯銓可有科
名到九泉

馮康齋廉訪

升沈官位憶馮唐識徧長安賣賦郎同輩方子雲汪容甫洪錕存楊

蓉裳諸君皆君所識獨好著書逢客諱自取名教愛人狂武昌

魚好廉寧食安邑肝多惠豈忘

君前攝常州太守

何處遺孤

啼素舸恐無琴鶴換歸裝

朱岷源學博

少日逢誰眼最青句容博士老明經袖中詩去琅琅

誦座右書來字字銘別後豈知年在已死前空想室

添丁

君詩有野客年衰懶算空庭花發望添丁之句竟以死後得孫

傷心兩度淞

陽過腹痛何曾莫綠醕

程魚門太史

來是單車去一棺秦關西望恨漫漫遺書避債臺中

著斂骨翹材館裏看

太史卒在龔山中丞前署

死有孝標能念昉

謂中丞

生憂僕射不憐韓

予時在中丞幕府太史贈詩有只有奇章愛牧之逾于僕

財重昌誰將伐木篇章廢重友如君自古難

朱竹君學士

翰林學士本天才不及相逢把酒盃八百孤寒連夜

接千秋四部一言開生前題柱心傾寄學士未識予

學劉臻吾輩定麗詞庾死後登堂雪涕來子以癸卯

信早年成逾月下世他日鴻都聞更奏好焚邕篆請泉臺學

子少白因入前奏請刻石經會荷溫

查儉堂撫軍

平泉公燕集羣賢子以弁山中會識靈光尙巋然韻

字至今留篋底是日以竹柏之懷分韻風流從此散

筵前思量孤負遊山約公曾約作不忍重題卜硯篇

公屬作宋謝枋得卜惆悵愛才非昔日平津閣外幾
卦硯詩竟亦不就
人傳

游隨園贈袁太史七首

五年客夢此山中重過名園話不窮惟有先生與開

府

謂畢中丞

相逢教吐氣如虹

小隱金陵卽謝墩春游長日任紅裙桃花十里人家
種欲擁詩仙上綵雲

山泉流漲入方塘三徑新開竹數行孔雀窺人金絡
底似知來客有文章

一重雲影一重花金粉成圍住紫霞幾代清涼輸六
代又教山色弄繁華

等身詩卷著初成絕地天通寫性靈我媿千秋無第
一避公才筆去研經

赤城桃樹倚雲栽越嶠梅花逐蝶來天與遊山人闕

豔宗之顏色謫仙才

先生攜霞裳遊天台羅浮而歸

愛士人猶似昔時劉又多謝世人嗤却懷知己生平
語無復才奇氣尙奇

先生始見予詩有奇才之目云天下清才多奇才少也

偶成

城南壯士始囊戈思婦家家望月波醉入長安市樓
卧箭瘢如掌賭誰多

晃朗寒空卷甲光戊樓沙薄月荒黃班生二十空奇
表只夢穹廬伴國殤

酒後步月

捲地寒光起積烟
遠山如夢失平田
稍看白霧縈天末
便有空江落眼前
星影碎傾霜樹裏
蘧風冷斷碧雲邊
酒腸詩思清如許
不信茲遊骨未仙

二月花

二月花二十人
花枝一生人一春
春風紙錢滿新陌
不見花墳積三尺
花枝看客常白頭
頭白誰遇花時休
烏程千石作花壽
黃金百斤繫君肘
君行忘死花忽生
與汝衰髮移芳齡
松生千年自伐性
紅槿逢君傲君盛
枯香殘萼無驚吹
勸君且復開雙眉
前身只逐東風去
却換紅顏入世來

花開

一花才開一花落門外車聲殞聲續玉堂美人讀道
書不放春色窺幽居游絲初明日絲細自愛清寒服
朝氣古梁蛩燕亦避春入室靜對鑪烟溫春風百萬
花舞骨獨瘞梅魂歛香雪

清明

棠梨低飛雜蝴蝶白袂紅顏上墳立酒香百滴持勸
君漠漠土花澆不入古原日晚游人多駕裙鳳帶相
經過可憐異體隔哀樂蜀魄自泣金鶯歌江雲蕭騷
欲飛雨一去西郊一南浦居人淚盡不復來月黑空
呼鬼鄰語

寒食出游

驚翬行拖大堤暖獨燕背花飛自遠城南書客來覓
愁步屨只在林塘幽墳頭蠓蠓逐人出却認生人作
枯骨花間有樓空數層殘絲眯目愁孤登麥苗低迷
柏濃賦綠雲如烟染天地原頭春早花落多二月踏
盡如春何花爲顏草爲鬢華年無多天亦客一月春
歸去年閏

題吹簫引鳳圖

披圖真見鳳皇臺憶得仙游訪古同

秦女鳳皇臺故跡在藍屋仙游潭

側肯在關中到此

惆悵長安西望遠秦雲猶爲故人來

林巒澹迤秋光淺臺殿高低月影深此夕參差爲誰

思只餘紫鳳是知音

愁夜

卷簾唯挂枝敗戶或垂蘿苔積蟲多思牆傾月易過
腕消驚釧落影瘦覺鬟多煩書彈淚粉對茗拂愁蛾
慚同相秦別各染茂陵疴擁翅雞无響心長柰夜何

題繩旃伯父畫

伯父官遷日重逢在帝京山川于役苦琴鶴舉
家清多別衣塵滿相看鬢雪輕畫圖傳本色仍是一
書生

梓柯家萬里幾載別江湖滿縣花無恙隨身鳳有鸞
閒情工染翰上考謝催租何日東籬菊歸山醉百壺

口占送萬大令應馨之官仁化

嶺南令尹今才子謁帝承明結綬新此去好成
清白吏別來休憶軟紅塵酒傾岐路醒千日花惹離
愁過一春桃李他時栽滿縣瓊樓須念忍寒人

闕題

長年渾一夕知爾慣孤宿如何隻棲客眼冷睇空綠
波搖想前袂簾動疑轉轂纖暉不盈天一羽自肅肅
幽痾斷香縷苦淚并尊淥塵網暗不收棲螢上翬幅
孤肩耐風露病息驚在屋曉色何勞勞懸星似魚目
新開河放棹東章觀察

竹里途中憶六朝新渠一例潤肥磽鄴都水好誰能

用賈魯功多怨自銷
禾黍高低人放閒
谿山回互客乘潮
清淮聞道須重濬
慮始人誰嗣
鄭僑

仙游潭口占

穆駿曾傳過樂池
隨家行殿圯何時
多年事往雲仍在
終古巖深客未知
木杓欲橫人境斷
石形疑借鬼工奇
風流我笑髯蘇怯
題字重來却讓誰

臘八日出遊贈莊明府

所

山光向曉雜陰晴
柳色知春解送迎
臘八日從遊蹟記
三千里放客愁輕
幾人影共征鴻亂
半嶺雲添積雪明
拈得新詩報賢宰
年豐村落有懽聲

口占贈莊公子

達吉

青山絲竹紅樓夢起爲蒼生却未遲官若限年應更好似君樂過少年時

瓊樓

瓊樓隔青漢美人如飛仙開戶月澤迷折花埽流烟
邃心飄空濛裏裏不得省應有露腳來秋衣一時冷

殘愁

殘愁裏裏中孤眠門外流魂墮曉烟小閣一層天萬
里不知春綠到誰邊

梅莊訪陳華南郡丞其地本韓蘄王宅

桑柘千畦擁一村霍山半面對層軒詩人不爲鱸魚
去三泖春波直到門

清風遺閣挂藤蘿想見看山也枕文不是蘄王行樂
地荒涼臺榭本無多

濃翠交窗惜不摧繁紅經雨落成堆牡丹到此難矜
貴只共山花一樣開

爲我招邀客到時簷花聲裏坐論詩桃源草草留賓
日那得知音共酒卮

題羅小峯梅花冊二首

想見江南幾樹斜瓣香絕伎屬君家神仙未必都寒
儉寫出冰天爛漫花

放膽文章筆有神圖中象外勢橫陳梅花若冑勻顏
色穠李天桃不占春

玉蘭

迎春開趁早春時粉膩香溫玉斲姿容易階庭長得
見人從天上望瓊枝

牡丹

濃香豔質自天然栽入樓臺望若仙應笑東君相識
晚不教開占百花先

菊花

傳延年是神仙侶瘦骨疎香好自持珍重花開金粟
後歲寒留取傲霜枝

月季花

已共寒梅留晚節也隨桃李鬪濃葩才人相見都相

賞天下風流是此花

宋人有天下風流月李花之句

題梁匠誨孝廉接山草堂圖

孝廉生貴州父任

蠻烟埽黛雲巖碧玉麟踏空曉無迹畫綃回首古牂
牁一笑編蒲誦青白喬柯留蔭威遠樓郎君下筆相
如愁試飛尺檄論父老八騶訪舊天南頭

題金月湄舅氏解鈴圖

短衣長鋏碧山隅手弄金鈴捋虎鬚自繫不妨還自
解目中原未有於菟

詩豪酒俠見天真翻笑城南射虎人我愧巡方無異
政披圖空想獸能馴

針魚紫望對江翠蘿諸山

江豚翻波早潮突獨鶴飛遲覺天闊收帆上岸客始
驚却視一舟輕欲沒山頭曉寒收斷霞樹影細碧如
籠紗狂風吹衣不得渡隔岸青山謫僊如

闕題

素浪疑衝桂殿開仙舟疑犯析津回騎鯨客去東山
冷此樂千秋待我來

伍詒堂索題南山圖乃王麓臺爲其先世張太
夫人作

畫臨北苑留真蹟坐對南山作壽杯想見絳紗慈範
在一縑傳世抵瓊瑰
移家金陵卽事

自看雙鶴掩柴關靜看浮雲出岫還不問蒼生不攜
妓謝公直是爲青山

綠楊風引到山家拄杖尋幽日又斜滿地繁紅正零
亂牡丹不放十分花

經時無術惜才疏檢點空樓一寸書北去心情渾不
定刀魚放下憶時魚

翠微深處列華筵碧漲生時蕩畫船孤負水衡貲十
萬歸來儘用賣文錢

遊攝山次江總遊棲霞寺及虎穴寺韻

茲山吳楚望古跡宋齊肇小別四載前重來三月杪
騰身入巖坳飛步出林表歷劫幾樹存寺有六排空

萬松小捨宅今尙存題名古逾少

天開巖有唐沈傳師題名徧覓不得

惟佛龕內有宋胡恢玉霄題字

繁華及春餘濃香發清曉紅或錦纈

然白疑月華皎

時繡球牡丹正放

谿香閨靈藥山靜辨鳴鳥

未窮絕頂遊猶望空烟裊吾衰取適志勇退豈云矯

幸遇名僧談

僧默然冒氏巢民之後能詩

無嫌俗人擾

入谷亦不深能使世慮捐殘春去何駛滿地驚飛絲

瞻眺故鄉近定省歸思懸愛此無心雲舒卷東南天

山迴隔林薄逕轉通人烟蔬香勝肉食茗酌非貪泉

伐木尙求友宿桑匪棲禪大還乏仙術小隱逢堯年

題家頤谷侍御深柳勘書圖

早投簪紱老烟霞絕業名山願正賒自欲讀書求甚

解不妨種柳似陶家

疏通經義証康成作賦寧矜擲地聲天與吾家難王
肅叔然死後替人生

掩淚遺文手一編門前烟柳故依然鑿楹不負書千
卷歆向同時著述傳

題紅蕙圖

一種幽芳遇賞音數花絕豔邈難尋孤根有日辭空
谷看取丹心換素心

汪紫珊西園餞別圖

鶯啼花發節暄妍重向邗溝泊畫船風景西園都似
舊再來秋柳又飛絲

已別延陵又送君
驅歌岐路不堪聞
深情千尺春江
水可抵紅橋月二分

文壇詩國鬪名流
日近長安是壯遊
十載交朋易星
散酒壚重過不勝愁

宮閣新陰絕妙詞
折梅他日寄遙思
知君定有鱸魚
夢夢我東南理釣絲

題陳進士凝齋

道遺影次姚太史韻

國士思模範
儒林想鑄顏
紀羣傳世澤
濂洛在人間
子舍終身慕
書城百堵環
詔條徵別集
琴德仰高山
義舉拚
笑獨清風化
懦頑
吁江樓隱處
叢桂幾時攀

題甘夢六桐陰小築圖

炎曦滿地紅桐影接天碧中有展書人歌聲出金石
書卷三千富桐陰百尺高孫枝看出屋雛鳳亦凌霄
君築青谿陽我居北山麓朝爽共披襟歸雲過飛閣
嘉樹真堪譽清尊閒日開羊求蹤不斷論古訪君來

黃梅次韻

密綴枝頭半展時才過小雪是花期先春正色霜難
壓晚歲寒香菊未知落葉有情同抱樹夕陽無限在
高枝兩行金粉平分處却笑江梅破萼遲

檀心靜裏有香傳粧點昏黃水國天半面玉顏疑對
酒前身金粟不棲禪眉間相映姿長好燭畔將融質
更妍千樹花光圍白屋抵他宮闕住神仙

題靜坐圖

蕭然襟抱欲凌雲不用移牀遠俗塵江左士修耆舊
傳斗南家有再來人此時木落真吾見到處風生四
座春我正耽閒遊物外相看偏愛葛天民

次韻贈張船山

避俗君能戒獨清浮家我亦學逃名但令人愛陶元
亮未必途窮阮步兵中酒好忘經世志著書聊遣暮
年情長安令僕多才俊不用牛衣問仲卿

慶方伯以其尊甫尹文端公遺象及袁簡齋王
夢樓象合裝成冊又自寫小象并寫張船山
及予象彙爲一冊屬詩紀之

傳衣箇箇喜聞詩繡佛人人願買絲雅集西園曾作
記風流東閣許重窺三朝共寫耆英會半面真成曠
世知鍾鼎山林各千古後人須恨不同時

題六梅閣詩冊

自結吾廬傍虎邱何曾鄧尉放扁舟摩挲尺幅梅千
樹五月披裘作卧遊

闕題

綠蟻頻斟座上清青萍時聽匣中鳴浮雲只似人間
世學道心平事亦平

何日扁舟訪戴行數峯江上引詩情開槭更捧家珍
重一卷兵書抵百城

題吳思亭禪趣圖

得道應須慧業坐忘本自儒家不用攢眉入社未妨
微笑拈花

佳士寫真非易名山絕業長存有客香薰曾鞏抵他
絲繡平原

題嚴小秋憶秋圖

唼煞江南杜牧之蕭蕭暮雨倚聲遲離山秋色清如
許更寫先生返棹時

古詩

富貴有不如貧賤安足恥向長所未知死何如生耳
我知倦思睡所惡擾之起恬然就衾枕冥漠如小死

耄期慕休息大卧同一理釋氏想更生神仙有蛻委
其於來去間戀戀不能已聖人見其大凡物有終始
精神留著作形質付孫子况有廟食人馨香閱千禩
爲我報子長易義不外此

題陳舍人

希哲

天寒有鶴守梅花圖卷

我昔別北山寓鶴友人處十年還山鶴仙去輸君與
鶴常相守早年禁近抽簪久曾趨溫室樹無言歸詠
孤山梅在口雞羣顧影殊常倫爵縻雖好思出塵白
雲長護書千卷明月來窺酒一尊君不見腰纏十萬
何足數鶴到揚州思遠舉又不見車前八駿徇以身
華亭之唳那可聞歲寒我欲尋三友鄧尉梅花鶴與

君

題巴臬使

哈布

看劍引杯圖

東閣風流乍許窺披圖宛對浣花詩賈生自媿相知
晚不見吳公作郡時

旬宣到處有仁聲心跡無私比太清電掃公庭稀訟
牘于公把酒益精神

滇南樹績在旂常孔翠高冠出上方平過人間不平
事一條秋水匣中藏

循良治譜本兼儒公暇重開萬卷餘佩犢帶牛風盡
革三吳大有爲公書

戴星勤績已傳留秉燭何妨作夜遊我亦扁舟學吳

詠論心多上庾公樓

知音兩世結緣深花萼追趨到竹林紅葉樓臺如畫裏勞公一棹訪山陰

題地樓夜集圖

谿山最佳處細路轉丹樾漸升坡陀高遠見飛閣谿禽聲正相樂花事亦未歇良友期適來遊蹤興難遏摩碑訪遺宮綸茗到禪窟歸途屐折齒列坐燭見跋玉山一時殫金盞十分凸分手卽席間懷人忽天末題詩補前塵對畫慰中渴憶從婪尾花看到當頭月揚州方立堂招飲作

別緒紛紛話夜闌故交鄭重整杯盤尊前落月隨人

到鬢上新霜秉燭看蛤蟆味邊忘事易鱸魚風裏去
鄉難廿年陳迹依稀在他日鷗盟未可寒

爲吳玉松太史

雲

題蓼花圖

紅蓼偶相對滄江思渺然九衢塵土裏一夢水雲邊
玉宇寒逾豔花磚望若仙歸舟應羨我小泊此花前

題裴孝廉

鑑

午橋耕讀圖

晉公別墅記南莊勝境重開句曲鄉地肺仙山當戶
列秦淮源水到門長傳書不墜青箱業觀稼還營綠
野堂我愛青谿作流寓謝墩南畔泊城旁

題汪大令聽泉圖

空谷泠泠碧玉音似曾相識寫曾襟飛颺影自蓬山

下樓鳳枝還聖域尋

爲吳思亭題錢擇石先生蘭竹

不見靈光有所思淋漓醉墨想襟期丹心直節無人
解付與空山片石知

錢春和戴竹友

延齡韻

花事闌珊急雨催春光未老興先積贈行倩爾將愁
去小別如人有約來濃綠似嫌頭上雪飛英猶戀手
中杯錦袍濺酒仙舟蕩此樂人間第幾回

題陳舍人

守譽

薊莊山居圖卷

輞水樊川併一村何時親款太邱門百城書卷承先

世

凝齋先生嘗聚書數千

卷總命曰江西文統

第五

才名並哲昆

君行離

鳳早年看展翼桃花平世豈無源清涼山色聯吟處
止惜先生席未溫

僑居金陵客有比予隨園者戲作此詩

孤負隨園曠世知生兒略早去官遲也營招隱三層
閣尙少驚人萬首詩福地淹留先有約名花開放不
同時只愁此後無窮世賭墅爭墩又待誰

隱仙庵古梅

六朝山裏一枝春瞥見繁花照眼新歷劫不消香骨
格幾生修到玉精神年深未必求知已夢好常疑對
古人不是隱仙狂道士空山誰與鬪荆榛

十一月廿一日慶方伯過常州屬題黃鸝泛月

圖卽次元韻奉送入

觀

金閭亭畔手纔分又值扁舟訪戴人
一夕蘭陵同翦燭渾忘霄漢與沈淪

鐙火杯盤共一杭最佳風味在鱸鄉
饒他邗上三分月可抵江南一片光

大海浮萍易合蹤朝

天莫惜去匆匆誰摹李郭

登舟處添箇神仙入畫中

贈行東閣折梅華有脚春回未有涯
不繫舟中重話舊制署有亭文端公題不
繫舟與袁簡齋燕集處知公節鉞又傳家

惠山第二泉觀魚口占

水底游魚上碧天山光日影共澄鮮
中冷未必清如

此妾被人呼第三泉

題周勛齋載菊圖

開尊看到傲霜枝
九畹香中記索詩
花亦知君難割
愛春蘭秋菊不同時

仙厨絡繹進奇珍
笑我空餘漉酒巾
一種簪來花更好
高冠翠羽鬬鮮新

扁舟人望若神仙
幾輩同尋翰墨緣
記否耆英高會日
尊前花是傅延年

又題鄧尉探梅圖

已盟鷗鳥卸銀魚
水色山光黛不如
却笑孤山太孤寂
要看紅袖折花初

沈烽靜柝等閒過豔曲尊前喚奈何驛使縱傳春信
到一枝不及萬花多
風泉聲裏管絃清錦翠叢邊雪月明高卧東山閒未
得愛花心似愛蒼生

題采芝圖

弱齡慕仙術蹉跎鬢霜侵中間困游宦及此初抽簪
朱君究方技福地來句金聞有龍仙芝見茅山志結伴同
招尋茅濛避秦隱越翳入穴深咄哉陶隱居混俗無
遐心梁武非仙才虛譽相浮沈我乏駐顏方卧疴對
遙岑早讀黃庭篇不爲梁甫吟相期訪真侶舒嘯開
神襟舉手謝時輩遺以青鸞音

題王觀察廣言憶舊游圖八幅

續室書檠夜向闌
雪花入戶泱泱瀾
誰知絳帳虛垂
日報荅宣文逮養難

款段尋詩塾角巾
槐花如雨逐征塵
錦秋湖水長山
色併入文章秀絕倫

含香粉署幾經年
檢點山公啟事傳
我亦鴛行曾聽
漏高寒回首夢鈞天

一麾秋曉出春明
且莫登仙羨此行
何術澄清纔攬
轡至尊前席問蒼生

鐵溝重過不勝情
歲歲乘槎指析津
一鶴迎門似相
識再來人換繡衣新

金焦兩點鎖江流，破浪乘風作壯游。
九萬圖南近霄漢，低飛何事羨閒鷗。

鴈客南屏畫幃中，至今石室繪文翁。
須知燕寢聯吟處，電埽公庭案牘空。

九疊匡廬杖策還，驚人詩卷動江關。
待君更握三吳節，吟徧東南一路山。

閩督董同年教增歸里賦贈

廿載重逢鬢雪新，卅年同醉杏園春。
一生峻望逢迎少，九曲巖疆節鉞尊。
外補摠關宣室念，君陸見時求內用

上諭丁未榜狀元榜眼遂初還，乞散仙身尊鱸正。
與汝俱外任亦是榜選好時清泰出處俱堪傲古人。

題嚴子陵却聘圖二首之一

畫中風景似前知，雛鳳雙雙抱又攜。圖中有載得西施只孤往，浮家此段勝鴟夷。

題周明府午日山居圖

萬疊青山一派泉，公庭銷夏正鳴絃。誰知枳棘卑棲處，心在羲皇上古前。子隱不妨來立石，東坡止解此求田。更慙咫尺桃谿路，未放山陰訪戴船。

乙亥花朝同人集五畝園吳思亭有詩見詒次

韻奉荅

結廬人境隔塵囂，舊雨頻來不待招。千載論交忘月旦，一春行樂過花朝。竹林徑好三三闢，梅閣寒從九

九消老去相如重滌器何須榮遇說題橋

方觀察

體

招飲署齋時新葺綠雨山房次吳思

亭韻

病來書欲納楹桓作達輸君酒盞寬茅屋數間重結
構蔀簷一路待全安經綸花石真餘事圖寫江山亦
壯觀壁間有廬山圖好繼陳勛請疏浚潮溝春水十分
乾時議復秦淮水道便民運載

殘鐙

殘鐙明滅隔書帷門外霜風動地吹淅瀝雨聲愁不
斷呻吟病骨痛難支永懷茅屋將積戶遠憶扁舟涉
險時我擁溫衾坐深閣也須矜恤漫嗟咨

受業弟星海校字

自七卷已上乃檢篋中零星稿紙編次成帙此第八卷爲冶城遺集凡古今詩一百二十三首又七卷中搜羅未盡者也先生詩多不存稿九歲作落花詩有句云明月照空池少與同里知名士遊爲毘陵七才子之冠復以伉儷能詩嘗摹宮體有婦病句云眉痕偏覺瘦來濃指爪都從病後長一時傳誦蔣侍御和寧嘗稱先生詩云氣清才奇筆超非吸風飲露者不能也其縱橫光怪眞推倒一世智勇吾鄉大有才人應讓此君出一頭地程太史晉芳亦稱先生七古詩云蒼涼沈鬱自有七古以來此種未滿十首眞太白再生杜韓則無復爲之何況餘子客長安節署與友

人一夕賭作銷寒各體數十首踰時而成文不點綴
惜已散佚僅存東坡生日詩一首耳暮年酬倡之作
氣息醇茂尤得風人溫柔敦厚之旨其餘題詠尙多
散在四方他日搜輯再刊補遺從子壻龔慶謹識

冶城集補遺一卷

芳茂山人詩錄第九

賦

館試千尺雪賦

以飛流激峽盈科不已爲韻

訪泉聲于巖壑挂瀑布于烟霏望千重兮峽峻儼六
出兮花飛吳郡峯多數寒山之故蹟說文箋罷題聽
雪于禪扉始則幽人疑徑逸士沿流谿水滌洞悵桃
源之誰入小山蟠鬱攀桂樹以難留想三島之神山
未通銀闕比五丁于天樓空望金牛乍疏鑿兮粗加
遂林泉兮發秀劈當玉于崇巒走白龍于孤岫風吹
不斷披襟則快與相當石破飛來礪齒則寒難多漱
于是光照幽崖涼生遠峽陽春不散訝瓊樹之常新

碧漢逾明擬玉山之高插誤蘭舟之訪客安道頻來
間蓬戶之幽眠袁安應怯旣躋攀之迢遞亦激蕩之
晶瑩似匹練兮孤曳方皓月兮常盈積是天山無間
寒溫之節落非銀漢猶聞斷續之聲爾乃襟虎邱之
岌嶻帶鶴市之陂陀嶺穹隆兮比德峯縹緲兮同科
仙闕遙開似靈巖之石峭天花亂落奪鄧尉之梅多
昔之放浪烟蘿淡懷簪紱雖托志之幽遐遜茲方之
奇崛氣凜然以自異雁過頻驚徑覓絕以誰援鳥飛
猶不山非仙而亦名人共地以專美況江介之膏腴
又蘇臺之密邇看遊屐之時經觸吟情于無已自
天題處墨花與玉屑爭霏拔地移來峭壁共貞珉並

時

治城集補遺一卷

二

冶城集補遺一卷

芳茂山人詩錄第九

長門召幸圖

流天明月夜笙歌向曉銅壺靜不波
特有黃金買詩賦可知永巷望恩多

閉門

閉門苔綠抱幽人
桵朽書淫動一旬
何物牡丹猶爛漫
江梅開後已無春

俠客行

三尺劒如枉矢
主人奉觴客上視
主人緘介莫復言
且去海上尋神仙
朝行歌暮行乞綠蘿
如烟坐石室
武功尺五骨夜飛
日腳射而聞天雞
青狸前號鬼旁

怒客于此時馳不顧鬢絲一夕爭心長尺組爲國平
邊疆佞臣頭汗不足用飲器須復煩名王

送別

城開見春草極此萬里天何不斷征路青青分道邊
離程斷還接放手何能及看盡陌頭人雙辭復雙立
君行路多岐我心有因依東風吹楊枝百葉盡向西
鞭聲鳴空林知君去烟底淚冷不得銜風吹落眼尾
呼君莫回頭前有百里程波明單騎影華晚獨吟聲
獨吟還獨宿夢識青山曲一夜鵲聲翻驚魂落谿屋
酌我綠玉醪開君瑤華音窺杯見愁顏投杯感孤心

寄洪大

禮吉

絕業平生亦有儔
異人盧霍待孤求
百年易冷名山骨
萬里誰馳極塞頭
獨旦逖琨休輟舞
兩賢蒙羿亦須雋
牛衣尚有長貧婦
爲訪騰空作遠遊

詩三章

鳳皇爾何能毛質
敗四海不及衡石禽
精誠死難改
山羊一角能觸邪
裁形作冠當殿衙
白磨我謂可殖
醢世盛安用相驕
誇男兒自有志
江水亦有涯
涯空詎無旁
志大終不他
譬若金在鎔
我必爲鎖
鄒鎖鄒森
芒一千丈
决雲能開截
流響安能從
汝繞指柔
正畫匿形如魍魎

懷蘭褐衣中種
蘭無人處折
蘭摧爲灰
慎勿寄行路

芳草自有心男兒亦有思眼中天多地三尺抽劍百
遍行前墀男兒雖有思芳木自有心青桐未伐更百
尋安用屈折揚微音子期叔夜去不反九死莫作師
涓琴

義車何嘒嘒微物各有求雋才無長年夢鏡已白頭
精氣塞大明遺蛻安足留黃埃濛濛撒如雨下辨齊
州盡紅土中天白日若不光我浮其生讓前古吟詩
作賦豈足論後世知我勿以文朝狂暮狂胸礪礪復
取醇醪自昏穢朝愁暮愁衰色侵只借粉蠶耗雄心
淵騫以後盡章句人傳莫復求儒林

陶隱居遺址

前有陶淵明後有陶隱居斯人乃生六季餘桃源茫
茫不知路只惜先生此山住道人指點白石壇古屋
裂地生琅玕心知至人本無跡尙厭碑碣汗名山丹
砂茯苓此閒足何必聯翩至皇屋山中章奏達帝闕
非吏非隱胡紛紜當時丑木變草肅宰相已受前朝
恩君不見大茅仙人亦殊苦上界今猶列官府

神仙曲

海明裊天雲立空懸珠結玉成仙宮桃顏阿母雙鬢
蓬裁帛夜寄東王公莎羅作轡駕紫鴻吹落笑語從
迴風文螺之厄碧蒲席白蛙如霜飯塵客鮑魚腥聞
少靈骨重霧媼娥喚劉徹蕪枕暖夢不醒明日密

刺荆文成

自江寧至和州途中作

四首

斷煙疏雨近清明陌上花枝笑獨行
一夜孤吟憶犀渚兩番別淚洒
金城空村病馬驚風立落日荒雞趁
客鳴小住溪頭最悵悵春波如夢綠蘋生

短牋裁恨與閨中夢破征途怨曉風
藥裏不靈生太瘦愁城有味賦偏工
可能兩鬢年年綠驚見山桃處處紅
記否勞勞別時語索君詩寄北來鴻

王孫去後草黏天裊裊游絲欲化烟
淺碧四山圍歎段亂雲一樹挂秋千
漸憂壯歲如三月可悟前生是隔年
灰蝶有心飛不去豆花開遍野塘邊

窮交千里恨分飛誰歎家園舊雨扉自謂過之今不
及閱人多矣子真稀好憑采石爲書几欲踐天門作
釣磯江北江南兩愁望白雲幽桂素襟違

幽居

閒禽有餘樂相對鳴不已石逕銜梅根風檐響柏子
空光隔簾青落照入林紫中有草元人鬢絲垂兩耳
夜坐懷吳二

開卷思君久缸花落紙燃瘦應憐我在寒欲到君邊
忽憶醉歌處驚看月露鮮素娥如解語不忍向君圓
春感

黯黯羈愁枕手眠征魂淒斷買花天一痕殘照千絲

雨春色如人弱可憐

壁上新詞綢細蟲月寒燈盡背香籠檀奴不返春空
老敲碎檐閒玉馬風

曉渡烏江

日出江頭橈聲苦唧唧啞啞雜人語飛烟冑空滅復
明對面帆檣迷處所舟人說事不解愁驚起毅魄鳴
啾啾英雄失路古同情一夜夢斬淮陰頭只有碧流
流不已壯士聞歌髮休指重腫背寒赤龍死西風欲
立一江水

曉坐

曉風吹檐絲桐花落如剪暗綠凝愁眉濕紅團淚臉

暮霏出竹煙斑斑積階蘚瓦獸對蒼巖銜松下荒
蟬軀變靈質柏髮易衰鬢空簾感秋人流光展書
餞

寄內

新恨都因夢微涼不解醒弱螢樓戶動飛露墜枝明
帳側銀鈎落檐虛玉馬驚芳心灰共滅隱几道書橫
蟬響動高梧星低夜暗徂疏霜生玉凖斜月覓金鋪
壁靜蟲牋在闌空雁帛無鬢香銷枕久不耐曉吟孤

病目

西施嫫母久失眞妍媸過別天公嗔今人碌碌古人
在此中那得空四海我今有眼青不能白眼嫉俗宜
爲懲天公彎弧射眸子欲令狂生悔如此豈因酒惡

生紅雲不爲風酸落鉛水請對以臆目若言公勿嗜
飲羅烹膳凝神寂慮豈氣存母耗爾精德之門我聞
大笑莫予侮瞭眊胃中豈無主張生不盲舜父瞽世
間病目那勝數日月有食同清光至理苟得形骸亡
腦脂遮眼我何病快意一醉猶能狂

入塞

廟食將軍笑烏啼少婦愁徒聞萬人入獨有貳師侯
自喜邊氛靜何辭薄命休所嗟空物故不獲共馳頭
和胡雲坡宮保師紀 恩詩元韻

終高今古迭生申當代儒宗有替人一卷遺經傳似
續三槐奕世晉絲綸白雲望比天樞貴烏鳥情通造

化仁請諡期過還賜諡非常令典爲耆臣

九家撰述揚先志乙部收羅契帝情楹內納書

齊相去殿中曳履鄭公行論邀文矣千秋定諡取良

哉一字榮自是甘盤勞記注載恩追孝感交縈

燕翼人皆頌德芳龍門我幸近清光西曹勝石論寬

猛南國甘棠未翦傷宮保會首江蘇按察周甲年深增少慕良文

公背世兩朝主聖得臣良承家又見孫枝擢齊

吏部與星符同歲入翰林清白遺規慎莫忘

闕題

麝蘭香好莫輕誇一種人稱及第花除是仙人攀折

得廣寒心性厭繁華

散花時節近重陽招隱吟成舉別觴應是秋風吹不落
山中顏色畫中香

題折蘭美人

回首天台有所思青衫白袷好年時窺牆不爲東鄰
宋直愛青蓮醉後詞

俠游前度記停槎香水溪頭第幾家不但成陰愁杜
牧種來桃子又開花

珍重崔徽畫裏看沈香薰罷供幽蘭攜來小影天邊
住應夢飛身入廣寒

送徐臬使所之任江西

石城雙槳送行旌春水三江比別情曾否簪毫識承

旨居然投筆笑經生
淮徐堅壁紆籌久隴蜀膚功唾
手成羸得傾尊重話舊萬花影裏碧山橫

雷菌

蟄蟲初醒燕初還
自愛園蔬未忍刪
幾處踏青經雨後
一聲隨筍出林間
偶同蘭草生當路
莫認仙芝賺入山
肉食客來仍染指
爲他失箸也開顏

題青山莊訪古圖

里居時子與洪雅存太史

亮吉

王秉玉比部

育琮

吳公珍明府

堂

常遊青山莊尋訪古迹

閱十餘年予得第入翰林三子皆計偕北上
會合京邸補寫爲圖其後洪王登第吳以縣

令隨牒中州又數年而王捐館舍又十餘年而洪吳亦下世矣

眼看華屋變平疇
席帽僧衣落拓遊
交密總思貧日
好情多常替古人愁
黃墟寂寞稀同輩
白髮淒涼過故邱
一度披圖一招悵
青山門外卽西州

立夏前一日趙味辛

懷玉

舟過吳門小集投書

堂味辛與林遠峯

鎬

俱有作次韻和之

一櫂江湖水接連
逢君剛舉餞春筵
遲來未與耆英

會

前五日與潘榕皋吳玉松周勛齋石琢堂諸君有此叙

得句重聯翰墨緣
鷗

鳥盟寒甘鷁退子規聲
好勝鶯遷

時聞李松雲前輩董觀橋同年遷官

春光似海留難住
獨閉衡門畫鞦韆
川

幾輩重登李郭舟，細從華屋數山邱。
人如魯殿成遺老，水愛平江少濁流。
過眼花開到婪尾，擊鮮魚早集吳頭。
時始食鮓魚未成歸客攀行客，又向常州入潤州。

菊有同枝異色者，紅黃並放因屬袁吏目爲圖
口占紀之

駢枝殊色鬪濃纖，點染秋光費筆尖。
如此名花耽隱逸，姚黃魏紫一身兼。

題汪小愚桐陰聽鶴圖

菊花叢裏扣園門，難得相逢把一尊。
可是家山忘未得，桐成琴後鶴乘軒。

君住西湖我北山，除書恐復到柴關。
未妨他日隨雲

出又買扁舟載鶴還

題甘于湖敬侯墓碑

東晉衣冠成古邱文孫不媿繼賢侯蕭蕭風木鍾山路訪墓何時跨蹇游

余祖明佐命功臣諱繼建賜葬鍾山至今尚未訪得其墓

寄王生詩

袖裏桑經眞故紙眼中瓠瀆又登臺蕭蕭白髮華年去可似黃流挽得回

闕題

曾記鈞天結綬隨見公自媿挂冠遲東南山水題名偏況有驚人萬首詩

五色雲中數少微三高祠畔遂初衣家山未遜蓬山

好雛鳳摩霄亦倦飛

九月晦日王通守招集得樹庭作

風光又餞九秋天得樹庭開羣屐聯脫略要如斯會
少招邀終賴主人賢清歌懋懋珠同貫晚菊疎疎燭
助妍却笑病夫剛制酒爲君破例一陶然

重疊前韻寄方觀察體

未妨鹽鐵議從桓經術能兼吏治寬司馬園林非獨
樂杜陵茅屋似山安三三會恐追陪後七七花開頃
刻觀方牧清風只如此豈宜筆笑德琳乾

單父塞河詩

一卷河渠手重開防川此日爲低徊誰知都水行河

去翻似高人荷鋤來詎假長菱和玉瘞徑須捧土障
流迴毫殷從古嗟昏墊先事何人與捍災

功成不日聽輿謳紅旆巡工下綠疇曉垤人如春蟻
出夜堤燈似燭龍遊放晴天與經旬便輸秬田仍一
倍酬極目東南風浪惡江鄉誰與繪民流

賈策於今未合宜上流築堰竟相持黃金與土真同
價滄海爲田只片時比戶視民猶按堵看山容我又
支頤自來河勢同兵勢祇要爭先一著奇

曹南道中即事

麥浪村村見桑陰處處成政平民物便官定夢魂清
訪古經雷澤看花駐郡城最嫌游未倦旌蓋促行程

九月二日工次作 丁巳

早年姓字被人知中歲功名漸覺遲九十韶光過一
半此中爛漫是何時

時年四十五

霜螯箇箇客前排菊蕊離離影亦佳卻對杯觴不能
引黃河萬里在胸懷

誰言曼倩戲塵寰玉宇高寒鶴未還屢見桑田變滄
海神仙光景似人間

也隨雁陣宿高岡喜見犁田透麥芒拋擲華年興佳
節忽忽七日又重陽

將歸江左作

夢見歸期已有期重看衰鬢惜歸遲官隨病去愁才

臧鶴共書還喜可知

出山時寄鶴友人處

尙厭淨名添俗累幸

無長物擾清思仙都未抵東南好花月春江載酒詩

吳次升太守送牡丹至金陵卻寄

驛騎傳花到恐遲故人情重合酬詩移栽堂北蕭閒

處憶見曹南爛漫時

丁巳歲試上曹南值牡丹正放

異種未容金作

價清風應與石相知

唐陶山取廉石之意爲余題廉卉堂

白門四月春

如海人愛姚黃第一枝

弇山中丞見示木瓜詩四首次韻奉和

是誰投我伴堂空永好情添一倍隆秋實有人成獨

賞歲寒知爾更堅中經時抱樸兼金價他日調元上

藥功恰稱廣平心似鐵不須梅蕊賦才工

雕盤玉案薦相期一摘寒林莫怨遲心比和圓能不
轉味如諫果有餘思求會若渴虛長夏熱豈因人獨
後時定恐東陵名近似細從香氣辨差池

相於懷袖亦因緣耐久交同竹柏堅曾與提攜休落

手不施雕飾竟朝天

宣州人種木瓜鏤紙作花以充上貢見本草圖經

根留

中土疑雲上山憶宣城隔雁邊金粟前身誰省識好

離形相認方圓

攄梨香讓久還聞桃李情同重不分作報商量清比

玉相扶容易步凌雲莫愁抱蔓隨秋盡須省傷根有

客芸

曾子芸瓜誤斷其根事見家語

看取華堂存碩果主人栽得十

年勤

龔子少山編次吾師遺詩合之手定諸集共得八卷
蓀旣爲校字付之剞劂矣復搜羅散佚將編爲補遺
適句曲裴竹厓茂才寄示藏本一帙皆丙申以前少
作中與稚存先生酬倡者居多南麓先生因屬亟爲
校錄前稿所未載者共得古今體詩二十四篇悉以
附入斯編並授之梓噫乙未丙申之間兩先生皆諸
生耳顧王君周南旣手錄其詩裴君復藏之篋笥珍
若琪璧今兩先生手稿往往棄去無存獨賴是帙以
傳若裴君者其亦異於世俗矣夫受業海寧楊文蓀
識